

雨餘徐步碧苔新老樹雲封認不真莫道東山
大家寥廓年年不盡廣陵春


煉丹臺

白石蒼苔路不分
頽霞紫霧晝氤氳
爐中煙火
渾無氣都入蓬萊一片雲

磨劍石

江頭片石星霜老
古昔曾經礪太阿
可惜英雄
收不得年年風雨倩人磨

仙女洞



地骨鑿開雲屋冷
阿姑曾此絕風塵
自從月下
鞭鸞去
瑤草空餘洞口春

釋睿山

訪張佩之不遇

幾度尋君不見君
門前高樹掛斜暉
踏春馬向
誰家去
一鳥空啼滿地雲

寄王宗器

松下思君獨杖藜
隴山遙望眼中迷
書成欲付
霜前雁
却恨南飛不向西

送馬公順

蘆溝南去路悠悠十月花冰拍岸流翹首太行
山上月又從今夜照離愁



明詩次集目錄

卷之一

薛文清

卷之二

于忠肅

卷之三

童士昂

卷之四

鄭公啓



國家圖書館 NATIONAL CENTRAL LIBRARY, TAIWAN, R.O.C.

卷之五

陳伯煒

卷之六

吳申美

卷之七

郭敬夫

陳從時

卷之八

王公大

卷之九

彭文思

王文肅

卷之十

岳季方

卷之十一

朱克粹

張蘊之

卷之十二

韓伯時

胡粹中

楊定彝

朱士林

曾日章

卷之十三

國家圖書館 NATIONAL CENTRAL LIBRARY TAIWAN R.O.C.

商文毅

卷之十四

陳宣之

卷之十五

李文達

卷之十六

張節之 沈元質 張靜之

卷之十七

周克敬 黃諫 柯孟時

卷之十八

陳惟成

卷之十九

何天苗

卷之二十

王襄敏

卷之二十一

丘文莊

卷之二十二

國家圖書館 NATIONAL CENTRAL LIBRARY TAIWAN

李古澹 張東白 吳野菴
卷之二十三

徐文靖

卷之二十四

謝夷菴 謝草堂 謝約菴

卷之三十五

劉忠宣 李仁仲 薛之綱

卷之三十六

彭惠菴 王廷用 王器之 黃襄敏

黃文澤 黃文潔

卷之二十七

陳文厚 陳文盛 陳文煇

卷之二十八

徐康懿

卷之二十九

謝鳴滄

卷之三十

李文正

卷之三十一

倪文毅

卷之三十二

張亨父

卷之三十三

姚允言

姚公綬

周伯器

卷之三十四

陳穎昌

陳昌年

卷之三十五

楊沂川

卷之三十六

陳饒初

卷之三十七

吳康齋

卷之三十八

羅一峰

卷之三十九

陳白沙

卷之四十

章楓山

卷之四十一

莊定山

卷之四十二

張汝弼

卷之四十三

林文安 林利芳

卷之四十四

石介然

卷之四十五

陳季廣 陳文介

卷之四十六

黃克晦

卷之四十七

吳汝賢

卷之四十八

程克勤

卷之四十九

林待用

卷之五十

王文格

卷之五十一

文公大 文宗儒

卷之五十二

吳原博

卷之五十三

楊君謙

卷之五十四

蕭文明 賀克恭

卷之五十五

葉廷璽

卷之五十六

林竹田

卷之五十七

林南澗

NATIONAL CENTRAL LIBRARY, TAIWAN, R.O.C.

卷之五十八

呂秉之

卷之五十九

王存敬

卷之六十

王應韶

卷之六十一

邵國賢

卷之六十二

楊維立

卷之六十三

查覺菴

卷之六十四

費文憲

卷之六十五

夏德樹 泰修敬

卷之六十六

蔣文定

卷之六十七

鄒汝愚 蔡虛齋 陳紫峰

卷之六十八

楊文恪

卷之六十九

傅邦瑞 白敬齋

卷之七十

桑民懌 羅景鳴

卷之七十一

樊時登

卷之七十二

周次玉

卷之七十三

林汝大

卷之七十四

林廷珍

卷之七十五

陳文用 陳德階 陳德符 陳德真

卷之七十六

張文哲

卷之七十七

劉文和 魏竹溪

卷之七十八

李梅菴 陳德衡 林竹窗

卷之七十九

李侗菴 李質菴

卷之八十

許啓衷

卷之八十一 卷之八十二

李獻吉

卷之八十三

左舜齊

卷之八十四

黃弼甫 謝雙湖

卷之八十五

楊德菴 屠簡齋

卷之八十六

唐士綱 李宗魯

卷之八十七

顧華玉

卷之八十八

邊華泉

卷之八十九

王陽明

卷之九十

朱升之

卷之九十一

康德涵

卷之九十二 卷之九十三

何大復

卷之九十四

魯蓮北

卷之九十五

何粹夫

卷之九十六

范衢村 李貞夫 羅築山

卷之九十七

林康懿 林利正

卷之九十八

周伯明

卷之九十九

李東嶠 田深甫

卷之一百

鄭汝華 鄭白湖

卷之一百一

靳文僖 朱蕩南

卷之一百二

杭世卿 杭東卿

卷之一百三

王敬夫

卷之一百四

王錦夫 孫朝望

卷之一百五

張光世 熊文選

卷之一百六

孟望之

卷之一百七

王子衡

卷之一百八

王欽佩 田偶山

卷之一百九

陳宗禹

卷之一百十

李鏡山

卷之一百十一

程瑞卿 黃斗塘

卷之一百十二

徐昌穀

卷之一百十三

張常甫

卷之一百十四

陸文裕

卷之一百十五

嚴介溪

卷之一百十六

湛元明

卷之一百十七

鄭繼之

卷之一百十八

殷近夫 穆文簡

卷之一百十九

顧箬溪 徐用中

卷之一百二十

徐廣威 俞國昌 俞國光

卷之一百二十一

劉士亨

卷之一百二十二

蔣務本

卷之一百二十三

謝一陽

卷之一百二十四

史明古 徐子仁

卷之一百二十五

沈啓南 朱漢樵

卷之一百二十六

祝希哲

卷之一百二十七

唐子畏

卷之一百二十八

文徵仲

卷之一百二十九

謝子象

卷之一百三十

湯子重

卷之一百三十一

傅丁戊 傅臥芝

卷之一百三十二

孫太初

卷之一百三十三

文壽承 文休承

卷之一百三十四

黃勉之

卷之一百三十五

蔡九遠

卷之一百三十六

莫如山

卷之一百三十七

繆宗貴 鄭蒲澗

卷之一百三十八

王雅宣

卷之一百三十九

閔秀

卷之一百四十

章羽士 錢羽士 釋雪江 釋魯山

明詩次集目錄終

石倉十二代詩選

敬軒集

大明

宿信陽慈氏寺有懷趙特御

後學曹學佺

禪室絕清灑夜景何寥寥白日墮簷隙涼飈拂

林梢有客不能寐起坐心勞焦所懷同心友相

去一何遙開門望天宇露冷河漢高恨無雙羽

翰奮飛共遊遨秉燭遂至旦詩成還獨謠

其二

山寺月皎皎流光入簾帷神清不成寐起視夜
何其天漢漸回轉參斗亦西移庭草泫繁露林
竹生涼颺撫景念良友渺在天一涯會面曾幾
日成此遠別離冉冉易寒暑悠悠隔山陂豈無
他人好中情詎能知

舟中作

少小心好奇斯遊歲方壯雲帆拂遙天畫舫壓
高浪青山歷歷過可見不可傍晚泊洞庭湖還
當極遐望

龍陽山行遇雨

楚山饒古木楚水饒奇石林霏暗不開石瀨瀉
何急久行路欲迷嵐雨互蒸濕陟降童僕勞竟
日未遑息向晚落葉多攬轡更駐立

瀟湘八景

雨來萬壑昏雨過千岫出晴旭楚人家蛾眉畫
生綠望望如有情餘光遠相逐

右山市晴嵐

西風淨晚煙天水遠相接瓊樓玉宇深炯炯涵
虛白夜久風露寒一鼓湘靈瑟

洞庭秋月

歷代詩選 卷之四 漁江落照
霜清秋水落風過人迹平飛飛隨陽鳥相呼下
寒汀向夕聚儔侶月映蘆花明
平沙落雁

夕照下山門清音出煙霧暝壑一僧還側佇尋
歸路月上楚天寒霜落洞庭樹
煙寺晚鐘

兩岍叢篁濕向夕波浪生孤燈借漁火江雨蓬
背鳴南來北往客同聽不同情
瀟湘夜雨

落落漁樵家蒼蒼起煙霧岍滑移釣舟沙平失
歸路似有凌波人盈盈月中去
江村暮雪

釣艇收晚罾歸鴉集疎柳天風吹彤霞明月映

江口孤村一笛橫萬慮復何有

漁江落照

翩翩投極浦漠漠背殘照水柵歌竹枝清風激
幽調歸舟漸覺稀錯莫尚凝眺
遠浦歸帆

泊舟貽溪宿陽樓山下

泊舟清江滸肩輿渡迴溪微逕入叢篠蒙籠行
欲迷轉步忽開曠溪田間高卑傍水野航小連
林茅屋低適遂情景豁寧覺人俗非山堂稍曛
黑冥冥子規啼

又

窈窕入清溪側逕何紆曲魚梁截奔流雪瀨漱
寒玉空翠濕人衣霧雨滿新竹路窮上野航前
登得平陸日暮煙火迷似向桃源宿

湘江舟中

湛湛湘水綠夾岨叢篁多挽舟逆水上南風起
微波嘉此晴霄景迢遙翫江沱沙渚曠緬邈雲
岫紛嗟峨遠目爲舒暢客意將如何濯纓吾所
愛聊爲扣舷歌

襄陽道中

曉辭新野縣午入襄陽境迢遞岡坂長曲折溪
流靜入村竹青青便覺異風景惟時霜雪繁歲
晏北風冷中私且撥捐壯觀極馳騁日暮臨漢
江窮源思方永

遊習家池

谷口一逕入蒼山四際開中有習池水澄碧無
纖埃泉源初噴薄交流遂滌澗飛鳥鏡中度行
雲天外來微風一蕩拂林影久徘徊寒光怡心
性俯翫何悠哉愛此不能去載歌寫中懷

遊君山寺

爲愛湖中山，巖鳥山下路。石磴純莓苔，青林雜
煙霧。前行如有窮，崑嶺乍分布。招提壓重湖，千
里周一顧。孤峰四無垠，形氣自依附。蘭若轉幽
邃，山僧引徐步。白雲簷外生，清風竹間度。庭花
雜無名，歲晏色猶故。澄心得妙觀，忘言竟良晤。
愛此林壑清，遂薄塵俗務。招隱有同調，奚待畢
婚娶。

雨後臨雙池

時雨夜來歇，雙沼朝欲平。香草何瑣雜，芋蔚繞
岬生。脩竹瀉風露，團荷貼青萍。顧此好脩客，覽
彼衆物榮。徘徊撫雕楹，徙倚當素屏。採掇終有
贈，緬焉起深情。

新筍

方池錦萍滿，花草被四阿。生意一何盛，新筍池
上多。綠苔已穿透，粉籜方包羅。銳若毛，遂穎森
如羽。林戈朝翫夕，逾峻舊竹時。復過相期保，堅
節歲寒心。靡他。

歷代詩選 明商文滄 五
渡雙溪

雙溪始合流崖渚遂經復洞潭一鏡平秋影空
寒綠野渡得孤航山家帶喬木適意方自茲前
呵戒僮僕撫景重悠然誰能和斯曲

秋日雜詠

翻翻高荷葉秋雨生微涼豈不懷遠道撫時坐
空堂何以爲我歡簡冊多遺芳古人不可作古
道寧可忘茲理將無厭欲語墮渺茫安得忘言
子相與傾一觴

夜坐

銀燭一寸光照我千古心事諒誰語秉筆空
沈吟幽懷載草草妙思彌悄悄豈無揚子雲視
昔猶視今

送人之蜀

岷江瀉東溟岷山倚西極江山古名秀楊君將
此適秋風送征帆夜火明水驛相憶瑤華音看
取東飛翼

冬夜懷魏希文

冬夜氣何厲冰雪輝前楹
單居不能寐懷我舊
友生行雲去不息賓鴻
各時征兩情曠難合欲
語誰當聽惟有寒月光
見余心宇清展轉遂至
旦遠思徒營營

遊禹門

春澤周四野閒情樂時和
出郊縱逸興緬懷古
山河禹門忽在望峭壁
雲嵯峨石磴接飛棧相
架接洪波空山響絲竹
虛堂進舞歌父老誠苦
心旨酒神所呵由來非
一朝吾意其如何

瀘川古意

三蜀古名郡瀘川古名州
我來值殘暑偶此數
日留新秋忽改節涼風
漸颼颼逍遙散前除仰
視天宇周征鳥去不息
白雲亦悠悠佳人渺何
許重林蔽層丘秋日復
西邁大江自東流良辰
不我與古道曠莫酬願
聞瑤華音行矣旋吾輶

褒斜道中

褒斜一何長溪谷自迤邐
雲木青無邊羣峰各
峻峙鳥道緣崖巔危棧
架江汜冥冥叫子規決

歷代詩選 淮南文淵
决響溪水累日山峽中陟降亦勞只古人歌在前蜀道難如此我今入蜀門感慨仍莫已雖云南谷險且遂北歸喜行色宣柔毫庶用傳君子

淮南謳

淮土何漫漫淮水自悠悠小山去已久桂樹遺巖幽昔有學仙子意欲仍丹丘秋石旣烹煉鴻寶亦藏收雞犬竟莫聞行雲去難留寧慮時事異翻結千古愁舞榭荆棘生歌臺麋鹿遊信知希世事伊豈望外求揖讓自堯舜高風想巢由此道久已非聽我淮南謳

擬古

悠悠復悠悠水中有行舟四序無淹畧代謝不可留春鳥寂無聲寒蟬號素秋落葉滿阡陌白雲散巖幽去去勿復道潁陽有遺老

其二

庭前桂花發清香散涼颺采采黃金英傾筐方自持思欲贈遠人風波阻長岐望望不可及馨潔空自奇

其三

圓象無停運大化不可留
征車既西邁行舟復東流
轍迹苦相背兩美焉得由
青松生澗底白日麗高丘
餘光不迴照直榦空蕭颯
去去莫復道零露滿春草

其四

在陰鶴相應遷喬鳥當歌
琴書滿瑤席良朋亦已多
各愛芳菲時共惜光陰過
齋心何所求所求保太和
壯年不努力奈此老大何

其五

白雲在高丘綠蘿在深谷
中有冥栖士雲蘿蔽茆屋
獨抱尚友情緬遂碩人軸
古琴時復彈古書還更讀
逍遙無外事俯仰長自足
沮溺耦而耕姜叟釣渭曲
伊人豈無心耻銜荆山玉
將須鳳來儀朝陽滿梧竹

其六

青山何峒峒白雲自超超
雲山日在望開門兩相高
既喜山靜止還愛雲飄颻
秀色可攬結吾

其陟山椒

其七

庭樹微飄落涼氣始披拂却憶少年時泛舟湖
湘曲秋風起波瀾寒霜下林麓日出江上楓霧
隱楚听竹蘭芷亦蕭條芰荷不秋馥靈均舊遊
處騷思方滿目忽忽三十年涼意復相觸九歌
有遺辭得意在雲谷

江行

石城上朝旭宿霧漸已收大江何茫茫柔櫓泛
中流鍾阜猶在望白雲散巖幽兩載寧無情潮
山憶同遊佳勝逸難卽迴想空悠悠

其二

我舟旣云邁長風起層波天水共渺茫雲岫紛
嗟峨石城猶在望赤岫還經過遠堤秋樹小水
國蒹葭多老遂金陵遊奈此佳麗何北歸已陳
迹江行遂成歌

清河晚晴

向夕起長風秋雲靜天宇清波流月光白露下

寒渚榜人喜晴霽理楫夜相語早發過鍾吾漫
漫見徐士

杜鵑行

昔讀古人書知有杜鵑名今泛沅江船始聞杜
鵑聲杜鵑有子不自哺野老相傳之語如少陵
惟有古來稱望帝變化無端竟茫昧吾意百鳥
相推尊亦如蜂蟻君臣義氣化感物不自由四
月五月聲喧啾一聲未了聲轉急千林萬壑波
濤秋遠客扁舟睡難着兩耳還遭杜鵑聒歸心
一夜在虞廷鳴鳳時應集阿閣

壺頭歌

沅水南來幾千里亂石激濤蹴空起急抽官舫
上巉巖閒倚驛樓看山水隔江萬疊雲峰稠一
峰平立名壺頭云是伏波駐兵處至今石室留
山陬憶昔炎綱斷如縷草竊紛然據寰宇寧知
田牧隱竒才揮斤奸庸識真主西征聚米在目
中南伐誰比銅柱功中興諸將數籌略直與賈
鄧爭豪雄老身甘向邊陲歿誓掃羣蠻靜坤軸

壺頭一死非無情天遣英靈鎮南服昔于青史
歎高識今向荒山訪遺跡怒濤猶帶薄伐聲愁
雲似是忠憤積馬侯馬侯真丈夫大詭自與凡
材殊廟食勲名幾千古媿我章句爲腐儒

昆陽行

策馬從北來南涉沙河渡登听得平原極目風
景暮暮天落葉何縱橫翻翻亂觸馬足鳴蒼山
無數背人遠瞻前忽及昆陽城城南滙水流城
郭英雄事業猶如昨白水真人在側微謹厚豈

使常情度是時炎運寒如灰五威使者車奔雷
慘慘三精雲霧塞瀟瀟九縣颺風回真人一怒
奮神武手握赤符興義旅昆陽大戰開天功烏
合如林散何許吾想當日殺戮多洗兵雷雨何
海沲滄川倒流虎豹伏亂麻屍積山嵯峨自爾
威聲震天地兇魁惡黨魂飄逝夏后周宣果再
興成功磊落光前世悠悠此事千餘年至今父
老猶相傳我來正值太平日戰地盡作桑麻田
生平遊覽好奇特徘徊弔古中腸熱舉鞭一笑

寒天高萬里關河坐超越

黔陽江行歌

黔江轉急勢未已兩岍蒼崖削天起官船雙櫂
疾於飛倏忽雲林過百里生平膽氣尤崛竒三
年蠻徼甘奔馳惡灘險浪不經意白日自保公
無私空囊做篋一何有滿束古書置前後艣窗
豁達涵虛明書中得意寧容口忽憶江山千古
長不知何日開鴻龐陰陽爭勝鬼神急造化不
停真宰忙千竒百怪氣參錯輕飄重墜奠清濁

三光宣精四海明五行順序百卉作有物不名
復不凋泯滅萬化常超超眼底江山未爲壯大
地比是猶毫毛感此人生浪自苦萬事悠悠隨
所與放歌一曲南風來坐對青天兩無語

齊都歌

偶把漁竿來渭水諸侯八百從如蟻洗兵一雨
天下清興王事業應難比茅土之封東諸侯奄
有青濟都營丘千乘龍旂照滄海百層雉堞臨
淄流淄流梯曙歌鐘起人物喧闐溢都市黃金

白璧酬君公文馬雕軒覲天子前朝後市何輝
光歌臺舞榭遙相望長劔危冠盛臯虎珠簾繡
幕圍姬姜伯業相傳僅千載寧知時去繁華改
盜賊公然竊寶弓坐令清社無光彩是非得失
俱悠哉空餘廢址連荒臺往事淒涼不可問淄
流嗚咽悲風來

望海歌

我生足迹半天下竭來持節臨東夏萬里滄溟
入壯觀洞庭彭蠡足驚詫三韓之西日本東玄

冥少昊迴祝融歸墟尾閭杳難測清江碧漢來
無窮礪石依稀望中小天台不斷連山繞煙波
明滅散羣鷗雲水空清浮衆島扶桑漸覺明朝
曦還從海底昇金盆太陰滅盡清輝發羲和穩
駕波無痕有時颶母逞神威馮夷擊鼓百怪舞
白浪峨峨摧雪山黑霧茫茫漲天宇三山六鼇
安在哉祖龍已去劉郎來樓船不復返秦使雲
帆更欲尋蓬萊雄豪千古俱淪沒惟有潮聲尚
如昨從誰海上論盈虛獨倚蒼山看寥廓

寄題廣漢張魏公讀書巖

廣漢之山甲西蜀聞有石巖在山麓想當英傑
未遇時携書獨向巖間讀巖間日月閒且長遠
從虞夏窺黃唐幽探造化鬼神變明察典禮人
道常古書徧讀飽經濟一朝適與風雲際社稷
傾將赤手扶砥柱不逐洪波逝金輪腥濁乾與
坤冥冥九宇皆妖氛要除貔貐正人極誓驅貔
虎恢中原其如讒口增萋斐一斥南荒垂二紀
容光雖荷天開明孤忠竟與時已矣俯仰于今
幾萬秋名將江漢無停流思公招公公不起遙
想寒巖添我愁

郊遊

客居煩聒毒我腸偶騎款段登周行西行三里
渡小水北上百步臨高岡遠近人家翳喬木依
稀鄰舍圍垂楊是時隴麥半乾槁南風起浪日
色黃所遇林桑已空兀誰家婦女猶提筐維南
有山接嵩少雲門開闔峰低昂清回爽氣徹心
目便覺塵慮都消忘回鞭窈窕歷溪谷野花野

歷代詩選 卷一
草供幽香殼蝸垤蟻各生遂潛鱗飛鳥咸徜徉
東折縈紆歷平坂縱觀大化窮毫芒乃悟羣生
隱無極始知一氣包鴻荒此意悠悠真罕識令
人醋憶點也狂緩轡歸來日已夕滿懷風月天
茫茫

洞庭遇雨

孤舟行何遲歲晚洞庭雨跳波亂明珠隨風颺
細縷雲霧失君山波浪連吳楚誰唱斑竹枝別
思盈南浦

久雨遣懷

客居連市井積雨竟朝昏屋漏頻移榻泥深少
出門窗風侵坐冷簷溜入宵繁賴有詩驅悶無
勞問酒樽

其二

秋來常苦雨風氣早生寒小鳥投林急高鴻下
食難奔流淹古道密霧隱前山試誦停雲句中
懷獨未寬

舟發城陵磯

急鼓催舟發，依稀見岳陽。
遠波浮島嶼，衆水合岷湘。
竹瓦居人閤，杉牌賈客房。
且看風景異，未覺遠遊傷。

舟發長沙

曉遡湘江水，微風漾碧波。
好山隨所遠，野燒入林多。
往哲題詩處，今予鼓棹過。
年來遊覽數，天意遣吟哦。

其二

已覺長沙北，猶瞻嶽麓西。
天浮湘水濶，樹入楚

山低。听芷餘香草，叢篁染舊啼。
昔賢遊覽地，我亦爲留題。

其三

長沙城下驛，解纜發扁舟。
水柵千家市，沙村十里洲。
喜逢晴霽景，况值太平秋。
憲節叨光寵，懷賢獨未休。

湘鄉道中

湘鄉南去路，連日是山行。
地僻溪潭綠，冬和草樹榮。
野人懸稻把，古戍列干旌。
異俗今如此，歸

歷代詩選
當話友生

沅州新正書景

頗訝沅州地新正景不同遠山青草瘴深院落
梅風角角尋巢鳥喧喧采藥蜂春衣初試袂和
氣滿簾櫳

其二

楚地春來早羣花次第開輕黃舒柳線重碧染
莓苔永日香凝篆和風酒滿杯端居叨寵渥何
以答涓埃

○喬口遡流往長沙

楚岫無邊翠湘流不盡清香風屈子賦苦竹鷓
鴒聲風景當年事雲霞萬古情沙頭舊鷗鳥誰
肯與尋盟

武口守風

連日北風疾江濤拍岸鳴天垂平野月浪颭近
船燈湖與歸心濶秋因客思清不眠聽鼓角高
枕念王程

其二

歷代詩選

月華文集 次集卷一

六

合

武口叢祠下維舟日欲晡北風增駭浪南客念
歸途水遠浮三蜀煙濃暗五湖江村秋雨裏難
覓酒家壚

舟中偶成

舟中如斗室坐似覺心清閉戶嫌風冷推篷愛
日明偶思前世事因見古人情自顧知何益詩
書浪得名

漢江曉泛

城下扁舟發江清宿霧消竹村迎岫出粉堞背

人遙神女無消息明珠久寂寥鹿門看漸近滿
耳颯清飈

舟中遣悶

五日行不盡洞庭青草寬窳此旦夕密霧隱
湖山詩思自難竭酒壺行覆乾孤舟親愛遠何
以暫爲歡

○武陵曉泛

今朝風日好來泛武陵溪碧水寒依岫蒼林遠
護堤沙光搖野馬人語散鳧鷖二月桃花發還

歷代詩選 明倫彙編 家範典 卷一百一十五
應處處迷

送和司訓

秋色滿平陰秋聲幾處砧離筵對衰草別路繞
疎林白日青霄迥紅雲紫極深此行應得意早
晚報佳音

黔江

好在黔中地相畱過幾年岍經冬嶺樹水宿夜
灘船支枕思前事清心憶往賢一陽看漸近吾
道故應旋

題風木卷

秋色滿天地寸心將若何行雲寧返迹逝水絕
回波斷織封蛛網殘篇掩蓼莪空餘東嶺樹向
夕受風多

中秋夜諸生持酒至

五見中秋節湘南想北州忽看今夜月忘却昔
年愁汾水通河漢龍門近斗牛霜鐘傳永夕高
詠未能休

示弟塘

大屋星霜久新年雨雪頻田園知己薄生計可
忘勤喬木宜思祖雞豚莫惱鄰東堂花幾樹應
與歲俱春

嘉陵泛江

湛湛嘉陵水沈沈石底明
岼翻雲樹影谷響棹
歌聲微冷南風細輕陰
暮雨晴應難逢此景還
慰遠遊情

雨後宿嘉陵

夜宿嘉陵岼扁舟雨不休
山雲迷澗壑林火射

江流久坐思王事難眠動旅愁
所期氛祲掃走馬上神州

錦城寓館

寓館富花竹書齋夏日長
芭蕉紅錦秀梔子白
花香樹密寧知暑窗開但覺涼
遠懷雖暫遣世慮未能忘

其二

曲逕通幽處交陰翠竹高
書齋成雅趣花圃愜
遊遨石甃涵天影風林作海濤
寧知城市內清

境勝江臯

竹

誰種庭前竹蕭森數十年
高簷晴落翠虛室晝
生寒韻喜風前聽陰
宜月下看莫言家在遠長
得報平安

竹下

翠擁如雲竹門開一逕深
成林常少日接葉自
多陰山鳥時時鳴風蟬
忽聽吟把書閒讀處涼
籟覺心清

遣懷

如何三月外猶未得家書
爲少南來雁因稀北
上魚謾叨新使節祇想
舊田廬旦夕聞消息中
懷暫一舒

五丁峽

巨峽二千里天開幾萬年
泉飛林杪雨雲合管
中天一水橋頻度層崖
石亂懸梁州神禹迹繆
以五丁傳

入徐州境

歷代詩選

明詩文清

次集卷一

三

四

春首及徐方行來道路長殘水餘積水霽雪帶
連岡遠岫通淮甸懸流近呂梁征鞍今可解不
日上舟航

古滕薛城

纔過古滕國還瞻舊薛城分封遺壞堞列爵但
虛名冉冉春煙淡悠悠野水清望中今古意信
馬獨含情

江道士碧岩軒

飛閣環流水層軒面開虛澄涵倒影淨碧絕

浮埃鏡裏開雲度潭心爽氣來道人能有此還
似小蓬萊

樵雲野老

自得山中趣都忘世上名閒尋肥遯侶共作斫
雲行泱泱溪流響丁丁谷應聲偶然值漁者問
答有深情

曉登沅州北上頂

嵐靄氤氳重溪行咫尺迷漸登層巘上始覺衆
山低遠近天無際參差樹不齊川雲平似海石

歷代詩選 明倫彙編 文淵閣 三
澄峻如梯日出寒煙外風生碧澗倪異禽和露
宿快馬度風嘶遠目回三蜀高懷徧五溪歸朝
誇勝槩沅水有新題

戲題紅白二梅花落

簷外雙梅樹庭前昨夜風新英兼舊蕊墜粉間
飄紅已見苔成錦方疑色是空粧娥初點額舞
女欲迷蹤雨重臙脂濕泥香瑞雪融不知何處
笛併起一聲中

○簡孔別駕遊禹門用謝太守韻

雙旌曾向禹門遊別駕今來亦暫留岍斷雲霞
開翠壁天連棧閣駕黃流千金尚想波心瓠萬
斛深期渡口舟如此山川元不惡可無詩句記
春秋

讀文山傳

朔氣蕭森歲向深揮戈投淚動哀吟艱危已竭
回天力慷慨猶存捧日心海水尋常秋月冷塞
雲千里暮星沈悠悠往事都如夢只有孤忠照

古今

登南城

土阜層層數百盤，偶來高頂望人寰。
滿川宿麥浮青浪，一帶晴嵐列翠鬟。
何處雲霞迷磧石，數村桑柘遶綿山。
唐風晉問憑誰說，地濶天高雁影寒。

○曲沃道中

新秋雨霽過新田，綠樹人家斷復連。
汾澮波光晴泛日，絳州山色曉參天。
申生大孝留天地，克遺名載簡編。
何事齊姜墳上土，忍將芳草鹿

流年

滎陽詠古

楚漢干戈向已休，尚存遺迹在中州。
幾灣流水風煙暮，一片荒城草樹秋。
力戰可堪離廣武，分疆空見指鴻溝。
當時四百興劉計，只在張良一運籌。

○宿水村

日暮江頭送客還，寂寥清夜不成歡。
連天海氣當窗白，一枕江風入夢寒。
雞唱遠村皆落月，潮

生古渡已層瀾披衣久坐待明發白石歌餘興未闌

春日遣興

靄靄春雲度女牆萋萋春草徧芳塘園林風景非吾土庭館鶯花是異鄉野岍波紋浮鴨綠官橋柳色弄鶯黃不知多少相思意祇逐遊絲百尺長

秋日寄王嘉靖

漁陽秋色動關河遼右天晴一雁過白社高人

渾懶漫青瑣學士久蹉跎西風對酒砧聲切良夜調琴月影多珍重遠書勞問訊相思千里柰情何

九日和徐懷玉韻

對酒東籬自詠詩遠山晴望轉逶迤秋容淡薄黃花節風景蕭條白雁時醉閱人寰聊縱目靜思塵事久支頤年年此日無窮意笑把茱萸欲贈誰

早秋

歷代詩選 明倫彙編 家範典 卷一百一十五
露下梧桐一葉飛
早秋涼氣襲人衣
西風樹老蟬聲急
夜月涼深燕影稀
鸞鏡每看新事業
龍泉頻拭舊光輝
黃花晚景真堪賞
九辯何須怨夕暉

七夕雨

天孫不乞人間巧
故使秋雲蔽月輝
銀漢晚煙迷鶴馭
玉霄涼雨濺鮫衣
更無綵結看蛛綴
祇想橋成有鵲飛
獨立秋風倍惆悵
通津何處問支機

春日懷舊遊簡胥貢士

薊門春色阻關河
汴野東風長綠莎
正是懷人煙景暮
不禁呼酒雨聲多
閑中謾寫凌雲賦
醉裏誰聽白雪歌
惟有流鶯相厚意
柳溪花徑數來過

送馬太守之西安

玉階新拜寵恩濃
阜葢西行五馬逢
秦樹到關開曉色
岳蓮當路出奇峰
好詢民隱周三輔
爲播仁風答九重
青史古稱張趙蹟
會看勲業繼

前蹤

登中條山東頭

魏國中條此盡頭登臨暇日興悠悠兩崖勢轉
黃流靜萬壑聲寒碧樹秋官舍飛甍臨遠谷禪
宮細路遶層丘風光滿目皆吾土逸氣飄然總
勝遊

薊門煙樹

石門相對一川平嘉樹依依接鳳城密繞溪村
雲未斂半遮山寺雨初晴歸鴉向夕穿新綠嬌

鳥啼春護落英試向高原凝望處祇疑韋僊畫
初成

金臺夕照

千年玄社已消沈尚有荒臺僅數尋壞埒只今
生翠蘚頽垣不復貯黃金山銜落日留殘照樹
擁孤雲帶夕陰駿馬無聲衰草合冷風涼月暮
虫吟

登岳陽樓

玉斧飛霜過洞庭岳陽樓上寄高情天涯楚樹

千行直溯面君山一點晴今古留題才浩渺往
來登覽歲崢嶸中天徒倚無塵到笑挹高風滿
抱清

○辰陽秋日

雒城百雉控蠻荒山翠高低護女牆萬里梯航
通六詔五溪煙水下三湘邊氓久已漸華俗遠
客頻應望帝鄉地氣于今同北土早秋時節雨
生涼

○益陽詠古

澆水西來遶縣流煙波遠接洞庭秋津頭客舫
半江貨舫畔人家多竹樓甘壘草荒秋月淡裴
亭樹老暮煙稠浮江仙子何須問我亦當年賦
遠遊

長沙

明時持節按湖南澤國風煙到自諳客舫盡應
依水市人家多是住山嵐三苗已見華風遠五
嶺應知聖澤覃廊廟只今登俊彥不勞詞賦弔

湘潭

襄陽懷古

鄧城纔過見樊城雉堞荒涼總舊名廢沼幾行
寒雁下疎林千點晚鴉鳴分茅尚自懷山甫謀
國何須羨曼甥更問襄陽千古事峴山依舊漢
江清

沅州雜詠

遠山重疊繞孤城城下蠻江一曲清溪峒人家
猶異俗市廛兒女帶華聲戶將烏鬼爲生計地
產丹砂當歲征自昔黔中風土惡遠遊那得易

爲情

樓上

都門樓閣倚中天暇日登臨思渺然樹繞西山
濃着雨地連東海淡浮煙塵消綺陌填車馬香
煖歌臺醉管絃獨有道人清似鶴謾從華表記
歸年

遊靈巖寺

靈巖有路入煙霞臺殿高低釋子家風滿迴廊
飄墜葉水流雙澗泛空花青松闕世風霜古翠

石題名歲月賒誰謂無生真可學山中亦自有
年華

送盧都憲鎮守寧夏

明時出鎮得才難莫厭巡行萬里間雨露初辭
青鎖闥風霜先到賀蘭山關河控帶黃塵靜蕃
落耕耘綠野閒入覲天顏應咫尺不須頻看寶
刀環

溫泉

唐家天子愛溫泉故起離宮繡嶺前山上朝元
金作閣苑中湯井玉爲蓮錦鳧曾泛當時水香
木空聞舊日船賜浴未終鼙鼓動苔痕留恨自
年年

華清宮

天寶承平奈樂何華清宮殿鬱嵒峩朝元閣峻
臨秦嶺羯鼓樓高俯渭河玉笛長飄雲外曲霓
裳間舞月中歌祗今惟有溫泉水嗚咽聲中感
怨多

諸葛武侯塚

歷代詩選 明商文清 三
丞相孤墳此地尋，褒城西去漢江陰。青蕪漠漠
煙橫野，翠栢蕭蕭風滿林。尚憶出師當日表，空
歌梁甫舊時吟。中原未復星先墜，長使英雄慨
古今。

春日遣興

閒館春深日正長，萋萋春草徧池塘。淡雲疎雨
梨花白，暖日輕風柳線黃。讀易自能窮宇宙，賦
詩聊爾記年光。錦城風景雖云樂，故里關心未
可忘。

錦江驛官送櫻桃

錦官驛吏送櫻桃，紅顆堆盤磊落高。時果已知
西蜀美，古詩難見少陵豪。嘗新暫遣中情悅，感
物還添遠意勞。多少上林鶯啄徧，一春歸興正
迢迢。

過武功縣

持節西來過武功，扶桑日上曉光紅。渭河水遠
波聲小，太白山高樹影重。遺址已無慈德寺，居
人猶說古邠封。東行無限前朝事，盡在紅塵綠

野中

河間獻王墓

漢家宗室最稱賢遺事曾經閱簡編
偶過河間尋往迹空餘荒塚帶寒煙
頗求千古書連帙獨對三雍策幾篇
雅樂未興人已逝歌聲惟有大風傳

金陵春望

金陵最好是新春風景無邊入望頻
山似洛中浮秀色水從天上泛通津
千門垂柳初經雨滿

路飛花不起塵深荷發生同萬物
兩京回首憶楓宸

簡張都憲楊尚書鄭侍郎廖少卿丁寺丞
棘寺秋官接憲臺出光水色畫圖開
青林雲氣當窗見翠浪風煙入座來
楊柳影中冠蓋過菱荷香外吏人回
好生正仰吾皇德共播仁恩徧九垓

鳳臺春曉

金陵千尺鳳皇臺臺上春雲向曉開
綠草雨餘

歷代詩選 卷之四
淮甸合青山 岍轉楚江迴 謫仙此日知何在 麗
句當年未易裁 定鼎只今逢有道 九苞行復自
天來

天順元年六月初十日上章堅請告老至
二十一日蒙允出京師舟中賦

經世誰人志盡酬 古今回想興悠悠 卽非有道
身能退自是無才老 便休歸騎遠尋天井路 輕
裘先放潞河舟 家山是處知何日 汾水西風八
月秋

山行二首

山鳥多清音 山花有異香 但得山間趣 寧辭山
路長

荒岡斷復連 風葉散還集 霜落秋澗清 煙橫晚
岫碧

秋夜

泠泠碧窗風 皎皎疎簾月 重門掩秋霜 素練擣
寒雪

荒逕

歷代詩選

月辛文書

次集卷一

三

曉行荒逕中
灑灑草上露
日出雲氣收
一鳥空
中度

早起

鷄鳴耿不寐
展轉待明發
童子視窗前
猶言有
殘月

早發

晨星耿孤色
曉月餘清朗
舟人解纜行
夢覺波
聲響

銅雀臺

銅雀臺高春日明
春風無限綺羅情
笙歌莫向西陵奏
松柏蕭蕭起暮聲

舟中雜興
東韓克和劉自牧王尚文諸公
天上同霑雨露多
扁舟又喜泛滄波
冥冥鳥背夕陽暮
千里月明聞棹歌

其二

波光到底見星辰
中夜行舟月色新
睡覺水村雞已唱
雲帆清曉過天津

○其三

夾堤楊柳綠依依，傍水人家籬落稀。
小婦携籃賣蒲笋，得錢含笑入荆扉。

○其四

水畔人家舟作屋，飄飄身世長兒孫。
幾回睡足蘆花月，又引帆檣過別村。

○田蓼子谷取捷路抵鞏黃河北徙有感
此路經過已十年，重來河水變桑田。
西風不盡登臨意，又見寒鴉下夕煙。

○鞏洛道中

嵩高雲氣晚嗟峨，清洛西風咽逝波。
水色山光渾似舊，宋家陵墓夕陽多。

函谷關

羸秦烈焰掩全齊，誰遣君侯更向西。
關上月明關下路，英雄千古怨晨雞。

登平陸城樓

獨倚危樓日向西，洪河風起浪高低。
中條北去無多路，回首鄉關路不迷。

山水小景

湖水茫茫浪拍天春風湖上有人煙小樓半在
花林內簾捲青山看釣船

七夕

身世浮雲無定迹客中二十四回秋故鄉此夕
逢佳節閒看星河徹夜流

留別諸友

留連冉冉已過夏離別匆匆又值秋酒盡玉壺
歌舞散月明千里照汾流

又

錦瑟銀箏酒半酣離情幾許舊曾諳却憐後夜
相思處三晉山高月正南

元夕寄故鄉諸友

思鄉無日不關情況復春燈對月明欲作家書
附回使歸心先過洛陽城

過賈畧宅

今爲長平驛

長平驛是相君家不見當時富貴花只有蒼蒼
喬木在至今猶宿夕陽鴉

滎陽道中

老親官定單懷後遊子南來京索時舟渡濁河
高處望太行秋碧繞天涯

獨尋危坂出高岡蔓草荆榛古道荒谷口人家
似仙館幾間茅屋蔭垂楊

宮前老柏

蒼蒼老榦鑄青銅縷縷香毛引細風自是栽培
年歲久托根長近禹王宮

后土祠

一木爲橋度斷溪山風水氣冷淒淒千年古廟

蒼崖下萬里河流正在西

石龕

古屋縱橫半畝餘只疑神鬼護陰虛蒼崖直上
通元氣點點寒泉滴露珠

題四景

雲滿青山水滿溪綠楊紅杏繞幽栖抱琴童子
隨師去歸到橋心日未西

水心亭子四山青亭下荷花照眼明我欲喚船
楊柳畔隔溪終日不聞聲

題錢舜舉山水小景

琪樹秋風生早寒樓臺縹緲暮雲間橋頭有客
長無事閒聽溪聲靜看山

新鄭學宮夜宿

清飈撼撼響林柯夜宿秋堂冷簟波睡醒不禁
鄉思切滿庭明月候蟲多

劉廣文携酒餞行

先人館下老門生三十年來故舊情今日相逢
頭已白殷勤載酒問歸程

出漢口

扁舟泛泛野湖平岨轉奔流近漢城滿目江山
如畫裏留題多少舊才名

公安詠古

古砌長衢滿綠苔疎籬多傍水邊栽欲知何處
懷平仲老竹荒祠風雨來

○蜀江水漲如黃河江北諸山彷彿太行遣
典而作

蜀江濁比大河黃江北諸山似太行誤喜中原

應不遠忽聞人語是湖襄

常德

百里平川古朗州沅江滾滾向東流竹枝留得
唐人句一曲西風碧樹秋

益陽山行遇雨

雲林漠漠雨淒淒曲曲危橋曲曲溪可是青驄
行處穩滿山紅葉颺秋泥

黔陽春日

滿庭落葉似深秋好鳥鳴時地轉幽坐對青山

纔咫尺會登高頂望中州

駐節黔中改歲華四山重疊繞天涯空庭獨坐
聽鳴鳥拂面春風吹柳花

○四月望夜院中作

月照芭蕉葉上明小欄干外竹林清一襟風露
涼如洗似有新秋在戶庭

○對雨遣興柬陳侍御

秋雨通宵盡日鳴柏臺雙沼漲皆平綠荷裊裊
欹香柄細看明珠瀉未停

○靖州月夜

參差林影受風斜，
堅坐胡牀愛月華。
涼露在庭清似水，
不知今夕是天涯。

竹

三年烏府長琅玕，
粉籜新梢次第看。
今日成林足風雨，
坐聽清響徹雲端。

梅

紅白沅州有二梅，
年年長是近春開。
飄廊點砌今誰借，
祇有東風掃石苔。

再懷沅州五友

簾捲秋風繞砌花，
沅陽幾對昔年華。
關山白露三千里，
誰采金英泛紫霞。

汾上春行

清汾信馬踏春醅，
汀草萋萋隴麥穠。
正是暖風啼鳥日，
水村花塢似江南。

聞蛙有懷

春晚乘驄駐德平，
古城墻外有蛙鳴。
却思青草池塘夜，
三載湖南厭此聲。

暮春道中見桃花尚開

馬穿新綠過園林已恨穠芳誤賞心猶有小桃花未落獨留餘艷到春深

○穆陵關夜雨

萬山絕頂穆陵關一上山樓五月寒煙樹滿村浮暝色晚風吹雨濕欄干

竹塲涼風

半畝琅玕出短墉煖煙輕霧碧陰重開門淨掃蒼苔坐細葉蕭蕭引好風

行臺雜詠

繞屋葵花錦作圍畫墻墻外柳依依日長庭院遊絲靜乳燕穿簾自在飛

四景爲李通政賦

石橋流水自東西綠樹連雲翠嶂低却憶當年持憲節扁舟曾泛武陵溪

臨波春意

蒼玉生苔浸綠波新篁老木散枝柯徒勞人世歌招隱淡蕩東風野興多

○淡靄涼生

扁舟幾度泛湘波老木疎篁翠石多涼吹淡煙
圖畫裏遠懷清絕奈秋何

絕句

長江風起浪如山驛路紅塵幾往還三十年前
回首處煙簑依舊釣磯閒

○汾上春日

道邊桃李綠陰繁花落難招萬片魂只有清汾
流不盡年年長是繞孤村

朝天驛

征驂行盡襄南路又上朝天驛畔舟兩旂雲林
青未了嘉陵南去水悠悠

蜀竹枝歌

錦官城東多水樓蜀姬酒濃消客愁醉來忘却
家山道勸君莫作錦城遊

其二

江上小樓開戶多蜀儂解唱巴渝歌清江中夜
月如畫賈客樓頭奈樂何

其三

楊柳隴隴天欲明
錦江夜雨江水生
塩船無數
惡年少開上江樓
看曉晴



石倉十二代詩選

明次集卷之二

忠肅集

大明

錢塘于謙著

後學曹學佺閱

擬古

妾意如冰清妾心如石堅良人久別離悵望空
懸懸所感恩義重豈為情欲牽但願良人好功
名遂超遷九重布恩澤四境無烽煙未卜會面
期先遣佳音傳亦足慰岑寂何必常團圓

南國有佳人

國家圖書館, NATIONAL CENTRAL LIBRARY, TAIWAN, R.O.C.

南國有佳人皎皎冰雪姿恒恐污潔白臙粉弗
敢施奉身事君子服勤忘燕私一朝成遠別千
里長相思願託雙飛翼辛苦良不辭飛來侍君
側恩義兩無虧永言執箕帚盡瘁以爲期可望
不可卽翹首空嗟咨

處世若醉夢

處世若醉夢憂樂付等閑百事皆前定對酒且
自寬仰天歌嗚嗚清風吹我冠濁醪滿瓦缶首
藉堆春盤無人勸我飲自酌還自歡醉眠白日
晚起看明月團拔劍舞中庭浩歌振林巒丈夫
意如此不學腐儒酸

清明感興

宦遊無定踪飄飄任南北今年在并州邂逅過
寒食花枝紅欲燃草色翠如織羣鳥鳴開庭喧
啾竟朝夕飛絮隨東風輕盈粘几席而我與春
光相看俱是客春歸已有期我歸應未得對景
不成歡喟然長太息太息復何爲揮毫題素壁

無題

歷代詩選 卷之三 八
人生不滿百常爲千歲計圖利與求名昂昂急
意氣晝營夜復思顧恐力弗至一旦壽命終萬
事皆委棄卓哉陶靖節不爲世故累解印歸柴
桑清風滿天地樽中幸有酒自酌還自醉借問
寰中人誰能會此意

夜聞鶴唳有感

齋居無四隣庭空篆煙冷明月揚素輝脩篁散
疎影雙鶴向我鳴鼓翅復引領靈風振縞衣華
露浥丹頂清響徹雲霄萬籟悉以屏芝田在何

許遙遙隔塵境欲去還未能蹉跎駐光景聽此
融心神令人發深省

題壁間畫

看山如看畫聽水如聽琴水流碧溪轉山高白
雲深俯仰天地間萬物本無心松風颯然來爲
我滌煩襟

遊春曲

垂楊拂地如青絲輕盈不奈東風吹馬上誰家
游俠兒雕鞍玉勒黃金羈張弓放彈如星馳正

歷代詩選 卷三 八 原
中流鶯落樹枝衆中大笑稱絕奇揚鞭走馬當
路岐忽聞鞦韆笑語嬉隔牆竚立情如痴墻裏
佳人顰黛眉留情不語知伊誰分明相望不相
知恨無羽翼通佳期夕陽啼鳥催分離可憐兩
地空相思

採桑婦

低樹採桑易高樹採桑難日出採桑去日暮採
桑還歸來喂葉上蠶箔誰問花開與花落二眠
纔起近三眠此際祇愁風雨惡割雞裂紙祀蠶
神蠶若成時忘苦辛但願公家租賦給一絲不
望上儂身丁男幸免官府責脂粉何須着顏色
收蠶猶未是閒時却共兒夫勤稼穡

採蓮曲

朝採蓮暮採蓮蓮花豔冷蓮葉鮮花好面顏不
常好葉似羅裳怨秋早秋風浩蕩吹碧波綠怨
紅愁將奈何年年採蓮遲顏色採得蓮花竟何
益蓮花雖好却無情夫婿有情常是客萬里關
河歸未得爭如池上錦鴛鴦雙去雙來到頭白

折楊柳

折楊柳折得柔條持在手殷勤贈與遠行人人
去書來莫厭頻明年柳發黃金芽却望歸轅早
到家春來春去須臾事莫待漫天飛雪花折楊
柳愁思多短長亭畔崎嶇路送盡行人奈爾何

靜夜思

靜夜思何時休終宵展轉聽更籌人生由來不
滿百安得朝夕事隱憂功名富貴儻來物目前
渺渺春雲浮甲第歌鐘萬戶侯五花驄馬千金

裘春風秋月不相待倏忽朱顏變白頭豪華一
去難再得壯氣銷沈土一丘但令名節不墜地
身外區區安用求靜夜思誰與謀勸君高枕且
熟睡窮達由天不用愁

北風吹

北風吹吹我庭前柏樹枝樹堅不怕風吹動節
操稜稜還自持冰霜歷盡心不移况復陽和景
漸宜閒花野草尚葳蕤風吹柏樹將何爲北風
吹能幾時

眼前花

昨日看花開今朝看花落
花開花落兩無情
莫怪夜來風雨惡
人生一似雨中花
老少須臾莫怨嗟
昨日朱顏生綠醕
今朝白髮映烏紗
看花對酒寧辭醉
醒後還投賣酒家
君不見眼前花

獨酌

東風昨夜吹芳草
綠漸成陰紅漸老
庭前無數落來花
分付家童莫輕掃
開樽獨酌向花前
仰面歌呼聲徹天花殘
自有重開日人老
何由更

少年醉看明月照
華顛還把落花鋪
地眠牀頭貯酒三百斛
囊底蕭條無一錢
看花對酒且自樂
一任春歸啼杜鵑

馬上郎

馬上郎青春好
玉勒金羈映芳草
芳草茸茸襯落花
花間亭館知誰家
郎君下馬入門去
紅裊翠袖留春住
留春住可奈何
笑指生香歡愛多
烏雲高髻鬱嵯峨
樽前起舞影婆娑
酒酣漸覺朱顏酡
留情兩眼橫秋波
橫秋波情密密
閭閻

凍餒君不知夫妻對面厨中泣

閨思

東風蕩漾吹花柳春色醺人如醉酒梁間喜見
燕將雛檻外忽聞鶯喚友綠窗倦繡且停針搔
首沈吟意轉深却喚侍兒開繡戶輕移蓮步傍
花陰花陰滿地蝶雙飛相隨戀戀紅薔薇欲向
花間撲雙蝶生憎綠刺牽人衣歸來長歎臨粧
鏡宛轉柔情還未定還未定誰得知須臾鴉噪
庭槐晚又是深閨拜月時

夏日憶故鄉風景

石榴樹底紅巾感薔蔔枝頭露香玉薰風拂拂
自南來時向高堂埽炎燠紅綃煥爛蜀葵開金
彈纍垂盧櫺熟端陽佳節競繁華黍角堆盤映
醽醁一從遊宦隔天涯馬首紅塵厭驅逐有時
飛夢繞錢塘此景依然在心目今年夏月居晉
陽南北風土殊炎涼清和已過近五月草木猶
自愁飛霜故園物候不可見塵沙塞草空茫茫
雲山望斷幾千里小樓盡日空徜徉

春寒病中自慰

別離驚歲換，老病怯春寒。
脫幘擁衾臥，移書就枕看。
暗將歸計卜，聊把客懷寬。
早晚金臺路，東風拂繡鞍。

絳州分司謾興

高居遠塵世，嘉木結繁陰。
葉密藏山果，池清立水禽。
簾垂花隔戶，石迸笋穿林。
鎮日看書坐，翛然解俗襟。

回朝偶題

老去驚時換，公餘覺晝長。
池風荷偃翠，林雨杏垂黃。
舊業存書卷，閒情付藥方。
偶來北窗下，高枕夢羲皇。

到澤州

信馬天將暮，離山路轉平。
川榮太行驛，樹繞澤州城。
落日翻旗影，長風送鼓聲。
孤雲在天際，回首若爲情。

題古寺

古寺知何代，荒涼倚翠微。
凝塵生佛面，落葉擁

禪扉殿迥香燈寂廊空鳥鵲飛塔鈴風外語應
似怨斜暉

遊春

滿路香塵起尋春思欲迷樹晴鶯出谷溪暖燕
銜泥玉勒嘶芳草青樓瞰大堤風光無限好都
在畫橋西

連日大風至十八日午後乃止喜賦

狂風當午歇庭戶絕纖塵落蘂粘芳草遊絲挽
暮春間關鶯語滑來往燕飛頻縱是韶光晚相

看亦向人

日晚至文水

溪明寒日落樹暝夕煙生飛鳥隨人語長風擾
樹聲鼓笳悲遠戍車馬厭脩程騎火前村起山
城候吏迎

春日大風感懷

遠塞足風沙春深不見花層冰猶度馬弱柳未
藏鴉易醉愁邊酒頻歸夢裏家凭欄一搔首心
緒亂如麻

春日客中謾興

客懷雖寂莫，春意自堪憐。
草色翠如織，花枝紅欲燃。
鳴鳩疎雨後，啼鳩暖風前。
翹首天涯路，韶光又一年。

山行

望極羣峰遠，行穿一逕幽。
雲從樹杪起，水遶竹根流。
酒旆搖村舍，鐘聲出寺樓。
多情林外鳥，巧語答鳴驪。

暮春後歸興

雨洗乾坤淨，羣峰露翠微。
水清魚見遠，花謝蝶還稀。
寥落驚春暮，蹉跎與願違。
耳邊山鳥語，勸我不如歸。

漫題屋壁

卜得幽居好，秋來景倍嘉。
堂虛先得月，城近每聞笳。
雨洗蒼梧葉，風吹白藕花。
門前無列戟，寧異野人家。

秋夜歸興

華月行空流，素光星辰隱。
隱動寒芒，煙銷寶篆。

歷代詩選 卷二 吳江上
金爐冷水咽銅壺玉漏長望斷鄉書無過雁牽
成離恨有啼螿敝廬只在吳江上蓴菜鱸魚入
夢香

春日客懷

年年馬上見春風花落花開醉夢中短髮經梳
千縷白衰顏借酒一時紅離家自是尋常事報
國慚無尺寸功蕭灑行囊君莫笑獨留長劍倚
青空

登樓書興

公職登樓立彩旃客懷撫景倍凄然千家綠樹
蒼煙外數點青山落照邊暮景侵尋欺病骨秋
霜容易上華顛自知不是經綸手附郭須營二
頃田

除夕夜坐感懷

秉燭焚香坐不眠夜長難到五更天懷人此際
隔千里爲客明朝是十年遠道風霜嗟老矣故
園梅柳想依然椒盤獻歲知誰共獨把金杯對
影傳

送吳繡衣還朝

平明走馬入京畿，楊柳飛花點繡衣。
山外有山頻入望，客中送客轉思歸。
紅雲高拱天門邃，綠樹深藏驛路微。
渡却黃河知己少，臨岐盃酒莫相違。

過五攢山

五攢山下路盤旋，曲阜崇岡遠接連。
十里郵亭數椽屋，幾家村落一坵田。
林梢日沒僧歸寺，澗底冰消鹿飲泉。
詩思多從鞍馬得，驂騑不用苦加鞭。

加鞭

盤陀驛道中

羣峰盡處是盤陀，小徑紆迴亂石多。
風約閒雲難作雨，渠分流水不成河。
村經野店羣雞唱，花發春山百鳥歌。
一段好懷無著處，令人對景費吟哦。

憶晉祠風景且以致望雨之意

懸甕山前境趣幽，邑人云是小瀛洲。
羣峰環聳青螺髻，合澗中分碧玉流。
流出洞神龍和霧起，凌

歷代詩選 卷之三
波仙女弄珠遊願將一掬靈祠水散作甘霖遍九州

夜宿山館書懷

蕭然山館似僧房三尺寒檠一炷香風捲松濤清入夢窗涵月色冷侵牀倦來不覺良宵短明發從教去路長但願兩藩民物阜官中忘却是他鄉

天門山

天門山峙近西偏屹立芙蓉翠插天六月岡巒渴難尋澗底泉安得六丁施斧鑿洎洎車馬信平川

落花

半隨流水半隨塵斷送韶光惱殺人蜂蝶有情悲寂莫園林無處覓精神眼前紅雨飄零盡階下蒼苔點綴新分付家童莫輕掃醉眠還勝錦爲茵

飛絮

歷代詩選 卷二 三
飄飄隨意點輕裘
播蕩春風不自由
亂逐紅塵迷客路
輕隨綵燕入歌樓
梁園飛雪驚春夢
渭水斜陽送客愁
莫向樽前苦惆悵
綠陰還在粉牆頭

○交城道中

峰巒重疊樹微茫
回首清源道路長
僧屋數椽臨野水
人家一半住山鄉
龍歸洞口雲煙濕
麋過林間草木香
隨處停驂問民俗
不知歸鳥背斜陽

水村

茅屋三椽倚淺沙
門前蒲柳綠交加
鳧鷖金宿藏荷葉
蛺蝶雙飛繞菜花
甘雨一犁滋穀麥
輕煙數里接桑麻
晚風天際孤帆客
艤棹來尋賣酒家

見白髮偶題

世間白髮最無情
纔近中年次第生
碌碌俄驚四十載
蕭蕭初見兩三莖
黃花晚節依然好
金液還丹豈易成
貪得由來戒遲暮
何須辛苦事

功名

夏日卽事

密密榆槐散綠雲
蕭蕭庭館絕纖塵
林鶯巧語如畱客
梁燕低飛不避人
歲月無情催暮景
江湖何處是通津
數莖白髮籠紗帽
深愧淵明漉酒巾

太原道中曉行

星稀月落曉風清
猶聽雞聲報五更
山勢平吞沙漠境
河流曲繞晉陽城
天涯何處尋歸路
野

景無邊動客情
車騎縱橫皆故道
寧須候吏遠逢迎

夏日卽事

槐陰凝綠暗階墀
雨後薰風拂面吹
魚躍亂隨新長水
鳥啼爭占最高枝
紗厨冰簟難成夢
羽扇綸巾漸及時
南闔清爽無別事
觀書最喜日遲遲

春寒憶家

碧紗窗外北風多
鎮日輕寒可奈何
歲月有情

歷代詩選 卷二 五
人自老江山無故客重過桃花深院飄紅雨杜
若芳洲泛綠波謾說故園春景好不堪歸計又
蹉跎

秋晚行山西道中

暮雲收盡雨初晴馬首關山路幾程落日旌旗
迎使節西風鼓角動邊城溪流清見行人影霜
信寒催過雁聲最喜田家生事足村村笑語樂
秋成

壁間畫瀟湘八景

煙寺微茫幾杵鐘漁村斜暎夕陽紅平沙落雁
迷殘靄遠浦歸帆趁便風山市微嵐孤嶼斷江
天欲雪暮雲同洞庭月色瀟湘雨想像陰晴似
夢中

秋光

秋水無痕徹底清秋山如畫更分明雁鴻影裏
雲連塞砧杵聲中月滿城映日丹楓輝錦樹傲
霜黃菊綻金英不須頻上高樓望此景由來惱
客情

歷代詩選 卷之二 賦類
秋峰

浮雲散盡雨初晴天際羣峰削不成萬朵芙蓉
相掩映九華仙掌自分明幽崖樹色經霜古絕
頂松濤入夜驚日夕南樓增爽氣可能相對豁
吟情

秋鴻

相呼相喚過南樓叫破江南萬里秋有足不傳
雲外信無端偏惹客中愁影橫斜月天邊塞夢
繞黃蘆雪覆洲霄漢翱翔應有自生平不爲稻

梁謀

秋興

西風一夜動關山秋意蕭森入夢間雁陣不衝
愁思斷砧聲偏與客情關故園黃菊催歸興老
圃丹楓映醉顏脩竹苦遭窗外雨朝來也作淚
痕斑

題李景昌竹間書舍圖

萬玉蕭森遶四簷坐來惟覺雨纖纖小窗展卷
循環誦古鼎焚香取次添爽籟隨風來淨几清

歷代詩選 卷二 忠貞 二
陰和月度疎簾應知此地藏脩者早晚蜚聲不
久淹

濟寧路傍古塚

伊人埋骨已多年三尺荒丘圯路邊野鳥淒涼
啼落日石麟顛倒卧寒煙良平計策今安在房
柱功名亦偶然爭古欲詢何代客斷碑零落總
堪憐

梁園

自古梁園佳麗地于今寂莫減繁華日長野店

聞啼鳥春暮山城見落花綠柳兩行侵洛遠黃
河一帶入淮賒欲將樽酒舒高興錦帳風流愧
党家

病猿

鎖向虛廊不自由倦舒雙臂懶擡頭巴山夢斷
霜華冷梅嶺情牽樹影秋入定老僧心暫釋感
時遷客淚初收高門廣廈多豪富未必聞聲便
有愁

晚坐窗下偶題

歷代詩選

卷二 忠貞

次集卷二

七

江

車聲軋軋近墻東。雁陣翩翩信晚風。籬角黃花
疎雨後，樹頭紅葉夕陽中。湖山舊業書連屋，江
海狂歌劍倚空。可怪流年雙雪鬢，相侵何事太
匆匆。

直廬歲暮

直廬蕭索度殘年。靜夜焚香思悄然。市遠不知
沽酒價，庭空惟見煮茶煙。風穿疎牖銀燈暗，月
轉高城玉漏傳。歸興漸隨生意動，昨宵清夢遶
林泉。

惜春

無計畱春住，從教去。復來明朝花正好，只是老
相催。

偶題

薰風何處來，吹我庭前樹。啼鳥愛繁陰，飛來不
飛去。

日暮

歸鴉爭遶樹，落日半銜山。微雨晚來歇，孤雲獨
自還。

歷代詩選 明子思齋 二十九
夏日散步庭下偶題

雨過苔痕淨庭空日影遲好懷誰會得啼鳥在花枝

舟中

遠道疲鞍馬舟行得暫閒推篷看風景祇見太行山

題金壁山水

溪山疎雨歇水木散清陰樵唱知何處白雲深更深

并州北門城樓

塞北窮冬候無風也自寒樓高窺朔漠無事莫憑欄

春寒

遠山猶帶雪淺水未生波花柳無消息春寒可奈何

秋意

溽暑隨風散微涼趁雨生蕭蕭樹頭葉已解作秋聲

過榮陽

鴻溝迢遞接榮陽芳草瀾漫古戰場
說盡興亡無限事數聲啼鳥在垂楊

暮春遇雨

暖風吹雨浥輕塵滿地飛花斷
送春莫上高樓凝望眼天涯芳草正愁人

村舍桃花

野水縈紆石徑斜篔簹門蓬戶兩三家
短牆不解遮春意露出緋桃半樹花

夜坐

朦朧淡月映窗紗坐聽嚴城動鼓笳
自是歸期難准信生憎銀燭又開花

七夕

鵲橋千丈跨銀河夜靜風恬水不波
牛女相逢又相失歡情不似別情多

雨中山行

濕雲拖雨過前山遠樹冥冥煙霧間
碎石亂流人不渡晚來惟有一僧還

春歸

紅芳老盡綠陰肥到處楊花作雪飛塞北從來
無杜宇不知何物勸春歸

山行駐馬

霑衣數點雨餘雨極目萬重山外山立馬平原
看秋色獨憐寒菊映衰顏

上太行

西風落日草斑斑雲薄秋空鳥獨還兩鬢霜華
千里客馬蹄重上太行山

十七夜燈

一杯濁酒送殘燈歲月無情感慨增垂老漸忘
兒女態從教官况似山僧

春曉

曉風吹月下長空漸覺東窗日影紅寄語鄰雞
莫驚覺家山正在夢魂中

早春卽景

弱柳千條拂地垂向陽亭館日遲遲杏花最得
春光早屋角斜橫四五枝

春日寫懷

賞心樂事久蹉跎景物關情柰爾何
獨上樓臺望鄉國一川芳草夕陽多

暮春小雨

霏霏小雨不霑衣細逐斜風密又稀
好濕香塵沾柳絮莫教零亂送春歸

宿徐溝

霜臺寂寂夜無譁遠近邊城動鼓笳
客路瀟漫歸思遠絳臺銀燭謾開花

暮春客途卽景

雨中紅綻桃千樹風外青搖柳萬條
借問春光誰管領一雙蝴蝶過溪橋

淵明像

杖屨逍遙五柳旁一辭獨擅晉文章
黃花本是無情物也共先生晚節香

石倉十二代詩選

歷代詩選

明千卷書

次集卷二

三



應作詩選
明三
八
席

三三

石倉十二代詩選

明次集卷之三

玉壺集

大明

鄱陽童瑄著
後學曹學佺閱

題淵明歸去圖

淵明高世士小試慙牛刀江山非典午富貴輕
鴻毛胡爲向督郵五斗時折腰歸來三逕中黃
花露霜饒濁酒一瓢興清風千古高

題隋宮清夜遊圖

欄干月轉垂楊影露華如水銀屏冷君王西苑

歷代詩選 明童碧
夜未眠紫衣小隊前馳引清歌踏月立調遲妙
舞翻雲翠袖低綠鬟侍擁抹螺黛行行按節金
蓮齊十六院中多雅趣臺觀縈紆疊青翠芰荷
池館晚風涼剪綵爲花能巧製鑿輿馳逐過離
宮蓬萊路與瀛洲通周環佳勝二百里終宵行
樂心無窮絳紗寶燭銷紅雪珠箔重重卷明月
宿鳥驚飛花底枝銅龍水向樓頭咽追歡只謂
常如斯興亡豈意皆人爲一朝天下共騷動始
知樂極還生悲向來富貴知何許一代繁華逐
流水愁絕殘垣敗草深幾度疎螢照寒雨

登黃鶴樓

晚晴扶醉一登樓吳楚衣冠歎昔遊黃鶴不來
人事異白雲飛盡古今愁石亭落日迷芳草淦
浦西風送客舟極目故園何處是蒹葭零落滿
汀洲

題海棠白頭翁圖

旅食京華二十秋髮毛如雪爲多憂幽禽不識
春風趣底事花間也白頭

附童軒

字士昂號雪厓瑄之子也所著有清風亭稿

楊柳枝

細雨染鶯黃
絲絲拂水長
遊人出門去
惆悵惜春光
纔看葉鬪眉
又見花飛雪
只恐秋風生長
條不堪折

車遙遙

征車將早適
起拂車上霜
淡月殘星白
遙思路正長
驅車出門遠
少婦腸空斷
不見車上人
但聆鐸聲轉
鐸聲去悠悠
聞道戍涼州
不識涼州

路空懷萬里
愁愁來不能禦
魂逐車輪去
願作石尤風
吹折車前樹

野田黃雀行

嘖嘖野田雀
羣飛隨處饒
時來晚禾裏
啄啄爭肥磽
窮老逼官租
終歲常苦號
如何相聚食
不聞夕與朝
山長少彈射
地僻多蓬蒿
飛飛信得所
寧知農事勞

門有車馬客行

門有車馬客
駕言來故里
念子久不歸
契濶近

歷代詩選 明 卷之三
一紀主人延客坐悲泣不得語移時敘寒暄始
復相爾汝借問邦族間親知今有幾一一聽客
言大非疇昔比壯者死行役老者半爲鬼前年
困征徭十戶九凍餒去年坐買辦往往踟妻子
上司悉誅求鞭撻不少止貪吏寡仁恕浚削至
腦髓言罷各掩泣張燈具雞黍觴行四三酌深
竹暎寒雨平明客登途愁緒誰爲理

田家雜興

東風扇微和百艸萋以綠林間倉庚鳴正爾春
景燠田夫喜春到相率殖嘉穀時雨夜來過新
苗青簇簇老翁負薪回稚子飯黃犢幸逢官府
閒近日少徭役努力事耕耘母爲餓空谷

其二

步履出東郭南風溪午時偶來公樹下竚立澹
忘機野老見我至情親語依依桑柔蠶已浴麥
深雉初飛俯仰玩物理逍遙詠而歸寄謝王良
子虛名徒爾爲

其三

歷代詩選

明 卷之三

次集卷三

四

田家無外求所願營一飽今秋幸少豐處處熟
禾稻租賦輸官倉里胥夜不到張筵會賓朋雞
黍維黎棗相對陶一觴頽然玉山倒

其四

茆簷冬日暖懷抱良不惡柴門晝始開雞犬散
籬落今朝無客至婦子相聚樂牀頭熟新酒聊
復共斟酌高歌亦自慰焉知死溝壑

思與君別來

思與君別來兩見落葉黃迢迢隔千里各在天

一方欲往恨無翼欲涉川無梁昔者固膠漆今
胡作參商砥平長安道人馬自輝光不念莫逆
好虛名竟乖張南箕豈堪簸牽牛難服箱憂來
不可輟撫膺獨彷徨亮無金石心與君永相忘
自曲靖回至楊林觀田家刈穫有成

輜車至楊林秋日正卓午時維九月候穠稔滿
塢土田家急收穫處處築場圃甌窶亦滿篝牛
載更兒負筋力誠乃疲腰背若偃僂所願在有
秋不復辭此苦寧知輸官倉所得遺幾許貧家

計口食歲暮復稱舉因思井田制百畝什一取
是時人足食狼戾厭禾黍呼醪擊肥鮮含哺醉
起舞此樂不復見使我熱衷腑所冀良有司善
政去苛虎悍吏不打門瘡孔或少補作詩告民
牧殷勤爲摩撫

贈清貧上人

黃金沙界名淨土中有僧爲持教祖說法能超
最上乘常感天花向空舞禪關盡日白雲封爲
愛疎閒似遠公秋雨涼蟬三逕葉夕陽歸鳥一

聲鐘支願夜坐林間石白月清潭了無迹問師
戒臘今幾何笑指青松數千尺有時聚石講經
文石頭點盡如有聞有時浮杯去渡海踏碎萬
頃玻璃雲歸來清楚維摩室何用區區九年壁
降龍解虎人不知惟有閭丘老人識

過歌風臺

望夷宮中箭如雨芒碭山前五雲起沛公持劍
走咸陽百二河山屬真主烏騅已逝走狗烹威
加四海來故鄉臺前父老奉觴壽酒酣激烈歌

聲長高皇龍去臺應朽猛士何人四方守落日
悲風動地來蕭蕭但見臺前柳豈不聞姑蘇草
長遊麋鹿銅爵年深野狐哭惟有陶唐三尺堦
千載人思太平福

秋江晚眺圖爲曹憲副廷璋題

金門畫史小李徒何年寫此秋江圖斜陽杳杳
丁林杪隔岬幾點青山孤時當深秋八九月紅
葉似錦煙中鋪清霜蕭蕭悴高柳淺水獵獵涵
疎蒲茆亭一箇傍山麓人迹不到堆寒蕪就中

豈無高尚者皓首甘作林泉枯江頭二客久不
去氣岬頗似黃與蘇抱琴何處覓知己矯首眺
望仍踟躕磯邊解艫差可渡似欲放浪爲歡娛
水清沙白秋正肅佳趣彷彿君山隅斷霞留影
帶殘雨連雁欲下相驚呼前村有酒可剩酌亦
有巨口松江鱸江山若此不一醉歲月幾何空
負吾望中疑是尚書宅青紅樓閣相縈紆書聲
隱隱起林壑劒氣燁燁騰天衢年登百頃刈雲
子歲晚千頭收木奴地靈豈徒富物產人才項

昔無時無鳳池烏府相照耀山川鍾秀信不誣
君家世業有如此輞川赤壁焉能逾何時許我
載輕舸與君汗漫登蓬壺

行路難

行路難太行九折何盤盤枯藤老樹挂絕壁攬
衣欲上愁難攀行路難瞿塘三峽激流湍舟行
咫尺苦難進宛如生度蛟龍關山之高水之險
不似人心千萬變人心危峻不可窺眼前突兀
峰九疑人心險詐不可測平地波瀾起千尺當

年握手出肺肝詎料相逢不相識春風昨日五
侯門秋雨今朝廷尉宅君不見春申舍人有李
園棘門之禍誠何冤又不見田文車馬三千客
五百姓名書怨牒行路難危于山險于水不獨
悠悠世上兒骨肉相看亦如此行路之難難莫
比

君馬黃

君馬黃我馬白共拂巾車朝禁闕一朝君馬生
光輝渭橋金市馳如飛翠絲作轡玉爲勒芻豢

歷代詩選 卷之三
盈筐秋正肥吁嗟我馬徒神骨緩轡周行思湔
浹西風一夜凍霜華廐上空餘乾苜宿

將進酒

將進酒君莫辭請君聽我歌新詞百年三萬六
千日一歲歡娛能幾時君不見古人名利相奔
趨蘭亭梓澤皆丘墟何如秦宮花下醉滿堂明
月紅氍毹榮辱信有命富貴亦有期一朝光寵
還自至何須讀盡人間書黃金注白玉鐘綠醅
初潑蒲萄濃貂裘不惜酒家換便當醉卧埋春
風盛時一去不再返綠髮明朝成老翁將進酒
杯莫空雲臺煙閣我何有仰天大笑浮雲東

采蓮曲

采蓮朝下湖西曲短袂輕絛鬪粧束小紅艇子
駕雙橈盪破粼粼鏡光綠荷葉荷花颺錦雲鴛
鴦兩兩護波紋荷錢却喜似儂鈿藕絲還愛似
儂裊湖頭昨夜西風雨沙觜新添三尺水翠倒
紅翻相向愁波心半露青蓮子采蓮復采蓮回
船正迎浪不嗔歸去遲只嫌明月上明月團團

湖水平清光滿面照儂羞郎家只隔湖南垞咫尺橫波日夜流

燕歌行贈徐七遵誨

黑雲黯靄陰山北跨馬長征殺胡賊腰間寶劍懸吳鋤寒光閃爍青芙色一從仗劍出蕭關幾載風塵瀕洞間鐵甲戰酣青海月羽書飛捷白狼山論功自合分茅土猶向軍前朝沐雨可憐白首困窮荒虎帳何人日歌舞滿地腥風血色腓輪臺萬里居人稀胡兒吹笛朝出塞壯士橫

戈夜突圍從戎却念辭家久數奇尚落他人後一聲寒角秋風鳴望鄉幾度頻搔首男兒離別何足歎才器如君世稀有闔外會有推轂時肘後黃金印如斗玉門胡騎去紛紛更上燕然勤大勲君不見漢世匈奴多繫頸至今猶說衛將軍

巫山高

巫山高高望不極疊巘連岬倚天碧雲裏芙蓉十二峰宛如神女晚粧濃襄王已去今千載行

雨行雲尚有蹤朝朝暮暮荒臺下幾見行人時
駐馬玉珮仙香杳不聞空有神巫奏歌舞路入
楓林樹色青古祠飛雨亂苔生相思何處愁魂
斷木葉蕭蕭猿夜聲

劉生

少年學武兼學文姓名不屬羽林軍殺人睚眦
不敢視橫行抱劍遊三秦鬪鷄擊筑時將暮馬
蹄慣踏章臺路一朝官裏賜銅符百戰捐身寧
後顧平生挽弓能挽強區區郭解何足當願爲
豫讓報恩死不學李陵嬰耻亾

江南曲

桃花斑斑落紅雨玉缸春酒濃如乳吳姬白紵
裁舞衣一曲嬌歌少年子江頭日晚停商舶衆
中金多爲上客當壚一斗沽十千引滿紅螺吸
明月杯空月落江水寒勸君且宿茱萸灣遲明
大艚挂帆去千里煙波傷玉顏

結襪子

大梁公子信陵君貴介豈比諸侯卿平生折節

能下士夷門屠市俱成名信陵一去今千載開
閣平津竟虛待士風愈下俗愈偷望履呈身何
足怪籠絡紛紛難具陳私恩桃李滿門春周公
吐哺不可見吁嗟結襪今何人

長安道

長安在何許定鼎燕薊北周道千里平商邑四
方極金臺玉壘何雄哉重關設險從天來黃道
祥光直南見紫微中宮正北開天連閣道星辰
拱日射觚稜金碧聳百尺文樓五鳳飛九重魏

闕雙龍擁長樂鐘聲曙色寒千官劔履集朝端
龍函捧勅頒三殿象輦駝琛響八鑾皇家制度
超前古文物聲明播寰宇白雉遙聞貢越裳龍
媒又見來西土太平治道軼唐虞彬彬多士皆
文儒揚雄已奏甘泉賦司馬還陳封禪書蒼龍
王氣浮丹宸承露金莖矗雲起紫禁彤墀月似
銀玉河金水花如綺九陌香塵拂面飛鳴珂初
散午門西王侯第宅施行馬公子園亭爭鬪雞
王侯公子多如雨大道青樓聯戚里玉笙吹月

鳳雙飛繡幙圍春鸚並語雕鞍寶蓋日過從片
言出口生華風始見金張初賜第俄聞衛霍又
旌功六街三市相連絡佛舍飛甍絢丹雘百貨
都歸大內東人才盡入平津閣御史臺前烏欲
啼將軍營裏馬頻嘶教坊夜月人如玉上苑春
風錦作畦風光節物年年在萬世山河長不改
罷官廷尉自書門遷仕中丞彌映彩莫言李廣
不封侯誰惜馮唐易白頭青史功名今已矣江
湖高起見京樓

明妃引

陰風烈烈吹黃沙稽落山下愁雲賒明妃馬上
面如玉萬里去適單于家玉關漸遠人煙絕回
首漢宮惟見月琵琶掩恨去路長胡雁叫寒天
欲雪天欲雪狐兔愁殷檉蕭蕭古塞秋願將一
掬思鄉淚寄與黃河東去流君不見古來戰士
長城死白骨纍纍多似蟻妾身雖辱亦不辭忍
使健兒作胡鬼

○禽言四首

歷代詩選 卷之三
阿嫂阿嫂兄弟而今俱已老斗粟從來尚可春
慎勿闕牆競些小阿嫂阿嫂

苦苦苦苦避却蒼鷹逢乳虎年年剝削無了期
那得官中生卓魯苦苦苦苦

養蠶忙阿姑携筥婦采桑蠶老作繭姑勿喜官
絹正輸三丈強養蠶忙

急急聒號寒啼飢難過活賣田且了今年租辛
苦來年只傭作急急聒

宿白塔寺

夜宿招提境蕭然世外蹤雨腥龍出洞月冷鶴
歸松影露林間塔聲傳澗裏鐘空門應不鎖常
借白雲封

謫所有懷舊遊諸友

憶昔論交日相知盡少年季良身任俠叔度世
稱賢夜雨彈棊局春風放酒船飄零各分手愁
絕越江邊

懷劉繡衣廷高

鄉里交遊輩情深喜見君一緘勞寄意兩地惜

離羣白馬人傳疏，雕龍世愛文。幾回馳戀切，春樹暗江雲。

泊九龍灘

九龍灘下泊，煙景暗蒼苔。樹影臨流出，鐘聲渡水來。江空鷗伴少，風急雁羣哀。正爾懷人切，愁雲滿釣臺。

舟中雜詠

秋水青于染，官河放去艘。波光迷草閣，山色到蓬窗。細雨猿啼獨，疎池雁下雙。羈懷正牢落，誰

與倒吟缸

贈明上人

悟得西來意，禪關養性靈。藤陰侵座滿，竹色覆池青。洗鉢魚吞飯，傳燈鹿聽經。自無名利夢，不著息心銘。

京口夜泊

維舟京口，岬惆悵舊吳都。遠寺鐘聲小，高城月影孤。江楓人獨宿，汀葦雁相呼。無限淒涼思，寒潮打敗蕪。

景州道傍古碣

遺碣知何代遙看碧蘚迷夕陽牛礪角秋雨蚘
蟠泥牧豎羣敲火行人半認題空遺千古恨愁
絕峴山西

憶金陵

金陵佳麗地風景想依然城闕金湯固江山
畫連晚風樓上笛春水渡頭船惆悵曾遊處而
今又幾年

其二

自古興王地繁華賸足誇闕雞名巷小牧馬舊
坊賒稚子春乘竹園丁曉賣花漢家宮闕麗王
氣結彤霞

其三

爲憶江東地風光信可憐侯門深似海官道直
如弦妓女釵簪燕兒童紙放鳶別來恒在望何
日賦歸田

其四

建業僑居地悠悠入夢賒秦淮橋畔月靈谷寺

歷代詩選 明 卷三 月 廿七
前花銀燭張燈市青帘賣酒家時清人自樂簫
鼓度年華

東林小隱爲沈處士題

小隱東林地身閒歲月忘曲池山倒影虛閣水
生涼雨潤琴絲慢風薰藥臼香羨君清趣好無
夢到岩廊

贈范外史

寄迹朝真觀煙霞世外心封書憑鶴寄吹笛似
龍吟寶氣千林玉丹光滿竈金有時飛佩響潭

作步虛音

孤雁

離羣應已久遠地只孤飛月冷呼聲疾雲閒顧
影稀蕭蕭蒲葦老粒粒稻梁微幾夜迴塘夢分
明向北歸

與許漢英秀才夜話

白下棲遲地睽違又十年蹉跎雙鬢改險阻一
身全夜雨溪南業秋風墓下田別來空有夢惆
悵未能還

飲馬長城窟

飲馬長城窟，寒泉咽不流。
羶體腥卧雨，刀斗冷鳴秋。
瀚海烽煙斷，陰山部落稠。
將軍方閱武，醉擁紫貂裘。

題清隱山房

幽居渾似聘君亭，門對青山盡日扃。
一縷茶煙吟處颺，半窗松雨夢回醒。
鴻都官好羞輸直，虎觀門深懶議經。
一卧空林驚歲晚，無人知是少微星。

咸陽晚眺

渭水東流落日西，咸陽秋色望中迷。
荒煙古渡人稀到，衰柳空城馬自嘶。
霸業已消三月火，斷碑猶載數行題。
東門牽犬人何在，空見年年碧草齊。

襄陽懷古

疋馬南望故城半，林殘雨夕陽明。
雲邊岫接秦之色，樹裏河流漢水聲。
墮淚有碑苔色古，攔街無曲酒旗橫。
那堪回首成陳迹，笳鼓西風愴

客情

春水

湖北湖南燕尾分半篙纔動綠如芸
梅花港小依橋見桃葉歌長隔岍聞細草斷
水鷗外浦斜陽晴笛鳥邊雲晚來幾陣廉纖
雨灑碎玻璃萬頃紋

鳳西草堂爲鄒義官賦

清隱臺西地最奇四時佳趣自相宜
秋風蘿蔓垂茅屋春雨桃花近竹籬
勸客小姬歌白苧遣

懷新句寫烏絲相過况有知音在不用黃金鑄
子期

簡溪爲吏部吳王事題

溪上幽居廠竹扉溪邊春水淨苔衣
吟杪甫里新詩草坐買嚴陵舊釣磯
幾點青山當戶立一雙白鳥背人飛
也知習靜真成簡游俠無勞問是非

九月十三夜夢繡衣康用和握手論舊覺
而聞雨因寄

宦遊歲月易蹉跎青鏡流光兩鬢皤客夢不知
江水遠鄉心偏傍雨聲多張衡有詠惟愁在燭
武無能柰老何爲問舊遊驄馬客別來誰與其
鳴珂

杜子美草堂

性僻耽詩死不休文光萬丈謫仙儔浣花溪上
頻年興飯顛山前半世愁風送雨聲江閣夜雲
涵星影草堂秋可憐一片經綸志短褐長鑱到
白頭

諸葛武侯祠

抱膝長吟志有餘出師勲業竟何如龍蛇漫想
驅兵陣魚鳥真疑畏簡書鐵甕有城荒歲月銅
臺無主易丘墟請看當日隆中路猶自春風一
草廬

清明書感

兩年作縣越江濱回首鄉關未得歸華髮又驚
佳節換青雲堪歎故交稀山村細雨梨花發茅
屋東風燕子飛潦倒不須嗟薄宦且將樽酒送

歷代詩選
卷之三
三
斜暉

次沈行父見贈

不逐夔龍到鳳墀詩名籍籍滿天涯鷄林有價
時爭售狗監無人世謾知春草池塘回謝夢秋
蘭堂戶思湘纍那堪別後同明月千里關山不
盡思

南行秋興

扁舟萬里適南荒行客驚秋覺夜涼老去形骸
空駿骨憂來世路半羊腸沙明蒲稗初含雨月

冷蒹葭已着霜忽憶舊居青鎖地幾回簪筆綴
鷓行

庚寅三月按思州等郡因過清浪叅將吳
公欵畱以詩酬之

年華冉冉似流波撫景其如感慨何草滿天涯
春色暮水連湖口夕陽多鄉書路遠雙魚斷蠻
嶺雲深疋馬過賴有元戎相慰意一樽呼取聽
樵歌

予至海南一載始得寄書因附四韻楮尾

天涯薄宦苦相羈回首西風又一期住久蒼頭
迎客慣路遙黃耳到家遲人情盡似飢鳶競心
事惟應倦鳥知倚徧欄干意難寫夕陽寒角起
高陴

九月十日宿下關驛

西風吹冷思綿綿老去詩篇只漫傳半夜郵亭
雞唱早十年岐路馬蹄穿梁王宮殿秋蕪裏黔
國河山暮雨前薄宦驅人何日了欲將心事問
蒼天

重至臨安分司

公署睽違又一期重來仍值禁煙時欄干漬雨
花枝重亭館畱寒燕乳遲無事且謀犀首飲有
懷都寓少陵詩東風可是無情甚白雪盈頭不
肯吹

登五華寺戒上人樓

垂開時倚遠公樓一段風煙豁醉眸山色遙連
尋甸晚潮聲初湧海門秋酒旗城郭西風急禾
黍人家宿雨收莫怪吟餘重回首五雲東北是

神州

秋暮至曲靖

故鄉何處是并州萬里關山不斷愁野館夕陽
人獨立邊城秋色水空流宦情已愧陶弘景客
况何如馬少游一夜西風吹夢破歸心遙寄楚
江頭

贈萬都闡子和

坐擁貔貅一萬羣多君好武更能文工書絕似
班都護雅詠還同賈刺軍細柳風清朝奏角圍

花霜冷夜占雲太平無事邊塵靜擬策凌煙閣
上勲

湖口夜泊

江水滙為澤瀾漫深萬丈山寺晚鐘鳴湖心明
月上

晚泊荻港

漁艇已收綸斜陽下煙水寂寂掩篷窗坐聽舟
人語

題畫小景二首

山色青於染茅堂背郭成陰陰喬木裏疑有讀書聲

家住清溪口門掩清溪樹溪上多白雲幽人自來去

竹棚口

君住竹棚口妾家桃花津來往不相識青山應笑人

丹陽晚眺

春水綠迢迢空江自落潮橋頭兩竿日煙外酒

旗飄

東風

東風吹百艸葱蘢滿天涯獨有南山桂依然未着花

駿馬二首

駿馬響金羈蹀躞長安道少年挽雕弓彈落花
問鳥

駿馬出長堤繁纓條革垂相逢休問姓知是羽
林兒

漾備早行

流水點曲響亂山重疊橫行行天欲曙立馬看雲生

過浪穹峽

幽花懸石壁流水瀉雲根停車試相問只恐是桃源

宿觀音山驛

溪聲泱泱流木葉蕭蕭下離人耿不眠寒燈伴長夜

宿鄧州驛

風走落葉聲山犬吠不已披衣夜出戶明月照池水

姚安分司

吟人夜未眠迢迢漏初永起步山中月疎林露猿影

南安分司

陰風射紙窗燭影半明滅四野無人聲寒猿嘯霜月

維揚弔古

草沒離宮舊路賒錦帆曾說到天涯孤城日暮
東風惡落盡庭前綵樹花

寄月溪瑩僧官二首

病來常欲謝朝簪幾度懷師夢裏尋遙想跏趺
雙樹底一燈懸影照禪心

白雲芳草閉禪關金磬無聲夕照閑應是定中
忘坐久袈裟渾染石苔斑

舟回采石夜泊謫仙樓下值雨葦果登

謫仙樓下弔詩仙千載風流世共憐煙雨一江
無月色鯨魚風起浪花圓

次韻楊內翰賓筵留詠

馬首黃塵十丈飛藍袍今已換緇衣相過只有
揚雄宅幾共談經坐夕暉

田舍雜詠爲梅庄朱處士題

名庄渾似習家園綠樹陰陰靜掩門昨夜溪南
春水漲芹絲香處有河豚

十角黃牛二頃田新秧簇簇徧郊阡卧龍老去



歷代詩選
無人問春雨躬耕足幾年

不逐漁舟覓水源繞溪花竹自成村青山遮斷
紅塵路只有詩僧日款門

載酒看山湖上歸西風吹冷薜蘿衣水田刈盡
雲千頃無數牛羊草正腓

石倉十二代詩選

明次集卷



石倉十二代詩選

明次集卷之四

雨夕同諸公夜飲

石室遺音

大明

閩中鄭

雨著

後學曹學

在閱

雨夕同諸公夜飲

萬竹絳飛雨流雲來遠天高陽久寂寞客至張
華筵達士不惜醉暢飲清風前陰壑度玄籟寒
聲應鳴絃不盡眼前歡別後空悽然狂歌馬公
子達曙未能眠

題南澤湖別業艸亭



家居無四隣，遠屋清湖水。潭花共谷鳥，相對衡
茅底。樵唱遂邊聞，漁歌鏡中起。麥圃秋旣成，瓜
田旦猶理。時與休芸人，同歸竹林裡。門閒吏不
過，黍熟酒還旨。自是羲皇民，吾當慎終始。

晚坐西園翫月懷孫景大

庭前嘉樹林，夕鳥時驚聒。遙聞精舍鐘，杳靄空
中發。門閒草木長，雨過莓苔滑。空園散玉露，碧
海生華月。獨此對清輝，憐君向天末。

得石寶山喜而賦

我懷出塵想，久爲形役侵。未能脫畧去，汨汨勞
此心。昨日買溪園，松柏森成林。從茲謝流俗，結
屋青雲岑。九日休沐來，黃花正垂金。採掇興無
限，臨風聊自斟。時有還山雲，悠悠浮我襟。昔聞
羽僊人，駕鹿茲登臨。飈輪去已久，天路空難尋。
徒餘舊遊處，石室莓苔深。雖無丹砂訣，庶可投
吾簪。

題幻居上人白蓮

涼生玉井沈，露滴金池冷。虛蟾與素魄，淨立白

月不言送
題東公序
雲迥微香散客纓止水通禪境忽憶東林人臨
流發深省

題楓林送別圖

白日行青天流雲散霞浦秋聲何處來散入楓
林樹客裏送行舟沙頭飲樽俎孤帆去漸遙暝
入長江雨日暮更相思空山但凝佇

賦得武夷山送陳孟敷之三衢

亭亭溪上峯彩翠亂晴日竒崖與惟壑杳藹看
無極寒渠石瀨漱野逕煙蘿密猿響夕陰沈松

鳴夜風疾傳云羽仙客昔此鍊金液鶴駕雖已
遙空壇想行跡蒼然舊臺觀冷落依泉石丹光
晴更發紫氣朝還集九曲別時多憑君訪寥闌

送王中美之京

魯酒三百杯送行莫匆匆酣歌擊劍起逸氣如
長虹昔作魯諸生結交盡豪雄黃金不足惜對
客囊屢空早讀五車書作賦文尤工今年見天
子拜舞明光宮盛世風重才恩波賜無窮長鯨
跋錦浪勺水焉能容騰月河上別雪花舞迴風

歷代詩選 卷之四
行拔越城柳醉度吳門鐘雖云隔雲泥耿耿心
猶全顧我草澤居生計如飛蓬終當拂羽翰萬
里來相從誰能事章句白首卧雲松

山行有感

北邙多舊墓苔石侵枯骨借問葬者誰云是李
與霍英名邁千古此際何泪没一日掩泉扃萬
事從此歇人生天地間百歲猶倉卒誰能脫于
斯多謀信爲拙

夏夜南湖庄上寄趙廸

積雨帶遠樹楚天來暮雲踈鐘隔野寺杳靄空
中聞相思感我懷草根虫又喧何由了終夕默
坐空消魂

咏窗竹寄姬墨生

莫種楊柳枝秋來已衰老野花雖媚人能得幾
時好竹葉真可愛盤根蒲庭內衆芳搖落時青
青色猶在晴看翠欲流靜對虛堂幽初傳嶰谷
種便得瀟湘秋俗人愛桃李却笑誰知己虛心
猶見猜守節空如此桃李榮春風此君羞與同

從來共霜霰獨有南山松

暇日南湖庄上

門逕絕車塵惟聞沙鳥語誰識忘機人山間坐
朝暮冥探玄妙理始得靜中趣南風吹雨來颯
爽溪頭樹白鷗知我閒相看不飛去

題秋江送別圖

美酒雙玉壺沙頭送行客處處蘆花風寒江秋
水白落日下長空返景明石壁去去入煙霞相
思楚天隔

塞下曲

單于入我疆涉河與之戰殺氣塞馬蹄胡霜割
人面大風起沙塵兩軍不相見思報明主恩豈
知命如線天驕今已平歸奏甘泉殿

夜宿超山蘭若贈一中上人

衲衣住在東林久蹤跡人間往來少碧草閒依
石砌深蒼苔日染松關厚薄暮時逢上客過吟
詩對酒復如何山中無復可乘興蘿月紛紛窗
外多

賦得萬松嶺送陳孟誠之京

吳門一道通幽谷昔種青松作喬木
逕裏從教野鳥啼林間判與歸雲宿
寂寂那知幾度春蒼皮剝落勝龍鱗
飛花暗度樵人墜落葉常隨過客輪
今日旗亭送君去去時雪滿松間路
牢落無懷故國秋蒼茫正值青雲曙
嶺頭雪霰已紛紛最喜青青自拂雲
臨岐何必攀楊柳折取松枝可贈君

賦得滄浪磯送程秀才之春官

無諸古城知幾代舊跡荒涼盡更改
祗今落日湖水濱獨有滄浪釣磯在
猿鳥紛紛竟若何昔人不見今人過
飛花故向灘頭落積蘚空餘石上多
今日攜壺對清泚秣陵此去應千里
渭北空傳古有人時明應卜誰過子
磯下悠悠足鯉魚願君此去莫踟躇
明年試看桃花水會向龍門達素書

送丘良

東園桃李寒未開蒼苔委落惟江梅
臨岐無復

可乘興爲君直倒青霞杯扁舟遙指金陵路轉
棹迴橈不知處徒將別思作春雲日夜微茫送
君去白玉神州應早過到來正喜值春和香浮
寶樹花能語日照瓊樓鳥解歌建業橫開五雲
裏鍾山石城相對起秀色朝含紫氣高連天亘
日迴千里今日官亭手暫分無勞躑躅嘆離羣
羨君拂袖青天去予亦還山謝白雲

狂客歌贈陳叔晦

狂客何處人吳航最佳士朝傾美酒三百杯夜

讀遺編數千字有時相見粵城東入門慷慨氣
如虹黃金不惜贈知己白眼已素輕王公醉來
下筆如濤瀉舞鳳騰虬恣揮洒論俠時時叱武
陽摘文徃徃凌司馬我亦踈狂今更癡吟詩作
賦欲奚爲且須沽酒與君酌世上悠悠那得知

山水障歌

天下丹青誰最奇昔有鄭虔與祈岳觀茲毫素
妙有神不是良工豈能作杳靄川原遠莫分孤
絃暝憂春江雲人間翰墨不易得此物當時誰

贈君遙看浦口千重樹颯還常疑致風雨寓目
蒼茫似武陵致身恍惚如天姥獨牧原頭是阿
誰終朝默默竟奚爲早將扣角商歌奏須載齊
侯車後歸

題方用方林塘幽趣圖

何處發清興林塘橫絕標羨君林塘有幽趣爲
君醉作林塘謠我爲林塘吟爾得林塘樂長風
捲雨白日來池瀑淙淙向人落三峽長江動地
迴搖波轉汐送林隈當窗劣崩翠可愛百尺芙

蓉天外開寒梅水竹連芳野瀉瀉鳧鷖滿沙墅
豐草能爲冬夏青飛雲不啻晨昏度坐來谷籟
飄林樾清景令人爽毛骨爲君去此謝浮名還
山却掃林塘月

代黃子齊賦送潘彥時

遠別與近別冷然同此心君爲金馬賦我作還
山吟還山却弄清潭月雅興平陵爲君發飛觴
展席送浮雲萬里關山坐趨忽青草堤邊春事
賒江城落日更鳴笳鄉心歷亂悲歸雁別思蒼

歷代詩選 卷之八
茫起暮鴉看君折桂人爭羨慷慨何曾戀鄉里
高步青雲不可攀遙飛玉珮誰堪比蘿逕蕭蕭
祇自歸吟詩作賦復奚爲年過半百已如此心
事悠悠君始知

寄思復王隱君

百甕山家酒恒供野客過興來還倒屣醉後卽
長歌林鶴窺人下山雲入戶多別離成累月五
柳復如何

送王生奉親之松江

玉壺沽美酒江上送君行竹塢今朝別松門幾
日程三神瞻日近五兩逐風輕戲綵餘清暇緘
書慰別情

送陳文叔歲貢之京

朔雪曉猶急山風夜更嚴扁舟留郭泰祖席醉
江淹詩爲故人作愁因才子添明朝回首處林
月共纖纖

題衡山寺壁

暫辭城郭去杳杳入藤蘿海氣連空迥嵐光拂

歷代詩選 明英公府 九
樹多鳥啼山客醉葉動野猿過向夕聞清磬其
如客思何

送林文節

長歌祖席對斜暉座上人人愛陸機春色漸生
江樹變河水初泮客帆歸青雲有路看先達白
社何人恨獨違今日與君須盡醉明朝相憶謾
沾衣

問周玄病

知君林卧復如何門對寒塘水自波宋玉也知

愁不免長卿自覺病偏多高林葉下驚秋早故
宅梁空恐鵬過明日相期間丹訣休令歲月久
蹉跎

題南湖別業壁

家在南湖湖水曲依稀好似浣溪頭黃蘆葉暝
常知雨苦竹叢深畏及秋日下漁樵煙際返夜
深河漢鏡中浮莫嫌僻處多蕭瑟野性時時好
狎鷗

寄王孟揚

歷代詩選 明真公卷
憐君失路嘆多岐歸去龍山掩舊扉鑿石旋開
行藥圃采荷新製釣魚衣衡門草發知春換堊
逕鶯啼見客稀林下想應多寂寞秋風蕭颯入
庭闈

寄趙景哲

卧病經時獨掩扉閒身漸覺世相違驚魂恐與
秋雲斷衰髮愁爲暮葉稀蒲蓮蒼苔誰曳屐一
庭芳艸自蹇帟登臨是處多清興肯念文園淚
濕衣

挽任本達

陸沈誰道聖明朝老向窮途怨未消荒塚已無
行客弔詩魂徒有故人招臨風倚劍腸堪斷月
落空梁夢漸遙從此不須頻北望嶺猿江樹日
瀟瀟

山水圖

雲來雙岫陰鳥下千林晚恍惚月明時扁舟輞
川返

三生石上圖

三生意已傳一曲歌還歇何物識同心西山舊
蘿月

山居

青山行處好綠水望中深欲問忘機事浮雲與
客心

鷓鴣

不與鴻雁翔難爲鳳凰侶只逐雙鴛鴦沙頭宿
寒雨

題翠竹黃鶯圖

微風響翠雲宿漏驚黃鳥夢裏一聲聞月殘碧
紗曉

竹枝詞戲贈丘茂本

欲捲珠簾却下鉤愁來莫倚最高樓堤邊幾許
垂楊樹不爲儂郎繫去舟

送馬自牧南游清漳

故國春還草木深百壺長擬共登臨如何此際
翻成別碧海春雲日夜心

送周又玄

伯勞飛燕苦西東載酒看雲幾日同別後相思
君識否斷腸多在雨聲中

竹枝詞三首

幾度秋風嘆獨居羞將蛺蝶綉羅襦南來萬點
千行雁不寄儂郎一字書
強來梳洗倦還休說着西湖只淚流誰道荷花
不如妾開時猶得近郎舟
十二灘頭水拍天千山陰雨萬山煙自從一值
風波惡不敢回頭望客船

附鄭闓

字公望開之弟
所著有抑齋集

懷林鴻

寒月照古樹朔風吹城樓如何咫尺居致我千
里愁俯景暫自遣浩歌無與酬思君若逝水旦
暮長悠悠

題山水圖

迢迢江上雲杳杳雲邊樹雲光與樹色染映如
朝霧泉响岩壑秋帆歸海天暮恍惚月明時輕
舟浣溪渡

題高四友竹軒

東林有修竹茂密成幽林
聲寒嶰谷雨色暗湘江
陰勁節金石操虛中天地心
故茲耿介士托交良獨深
願言慎終始永與同冲襟

題賓月樓贈陳伯煒

樓居有仙客恥交時俗流
仰尋霄漢上遠與明月儔
月色自圓素冰懷冥相投
於焉悟消息永結忘情遊

寒食寫懷

岑居對寒食遣懷出郊墅
纍纍陌上墳宿草添新土
却望故山松寥寥邈何許
念彼松下人心悲淚如雨

登小孤山

羣峰若龍馳一峰出雲表
壯觀天地間孤高海門小
停舟恣登臨騰身過飛鳥
却望大孤山濛濛在雲杳

懷密魯王儻

豐城有寶劍棄置歸泥沙
神物縱淹鬱鋒芒詎

生瑕精氣射牛斗誰能辨莫邪雷張去已遠終
恐沈光華

感遇

瑤臺有孤鶴脩潔仙中禽本與鳳鸞偶翻爲鷄
鶩尋穀食頗自恥松樓亦何心徘徊失所止惆
悵誰能禁引領望徒侶茫茫玄圃深徒鳴九臯
遠孰賞凌空音俯仰再三嘆凄然沾素襟

泣玉願一顧投珠難至前中心未見與直道皆
徒然君子恥自獻達人甘棄捐衡門有遺叟千

載高其賢

題環青樓

轅丘之子神仙客暫向人間寄踪跡紫綬金章
意不趨白雲芳樹情偏惜舊構危樓野水邊青
松翠竹滿樓前寒光靜遠湘簾碧暝色縈迴翠
黛連望極滄洲幾千里疊嶂微茫鳥邊起倚檻
朝看出岫雲開門日對懸崖水予亦牽纓未得
過此時風物更如何與君欲畢登臨興獨有陶
潛歸去歌

題東山草堂

山中幽人愛幽獨，遠構茆廬傍岬石。雲邊靜掩
半窗閒，簾外長凝數峯碧。佳致應知勝輞川，石
橋花竹漫相連。閒心久已狎魚鳥，落日更聽鳴
風泉。別後君還幾回首，茂陵仙客深知久。興來
筆下自縱橫，却掃雲山繫君肘。予亦常留棲遁
懷，見此令人心孔開。何當拂袖同歸去，與汝日
醉眠蒼苔。

清泠臺

高臺臨絕頂，我輩此時過。落景空山滿，秋聲晚
樹多。宿雲依澗集，野鳥向人歌。薄暮歸城市，塵
氛柰若何。

登鼓山寺

冠蓋臨清境，攀躋契夙心。懸崖宜遠望，邃谷恣
幽尋。石徑蒼苔合，珠林古木陰。斷煙行處濕，落
葉坐來深秋色。連雲暝鐘聲，與日沈不知滄海
外。誰伴羽仙吟。

九日登高懷公啓公立二先兄

歷代詩選 明葉公
淒涼心緒正堪憐。此日登臨倍愴然。無復謾題
鸚鵡賦。有懷空咏鶴鴒篇。煙林葉落深秋後。蘿
逕猿聲向夕邊。浮世幾經人事變。惟餘山色自
年年。

重九前一日期同社登烏石山

世事悠悠等逝波。謾將清景等蹉跎。百年幾遇
看山興。九日還同載酒過。挂月臺前雲可席。宿
猿洞口鳥能歌。羣公自有飄然興。說說參軍逸
氣多。

釣龍臺懷古

無諸官殿粵江隈。千古登臨愴不迴。逐鹿已成
今日夢。釣龍空有舊時臺。潭雲片片將秋落。山
色蒼蒼拂曙開。世事升沈何足問。且乘清興共
銜盃。

挽鳴秋山人

白湖小隱入雲間。憶絕心知淚自潛。花逕鳥歸
春自好。衡門人去畫常關。新詩空有澄江句。問
字惟因載酒還。舊業荒涼偏可恨。蕭蕭煙雨閉

歷代詩選

明次公

五

青山

石倉十二代詩選

明次集卷之四

明寧性

藏書

石倉



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

肩明款集卷之五

琴邊清唱

大明

後學曹學佺閱

秋夜讀書寄堂士淵文契

涼風動秋葉驚鵲翻庭樹散帙讀遺書寒燈照
踈雨冥探玄妙理應得發歸趣寸心常湛如虛
明自呈露依依林木昏隱隱星河曙寄謝希顏
徒怕勤保貞素

遊絳月軒



國家圖書館 NATIONAL CENTRAL LIBRARY, TAIWAN, R.O.C.

靈境闕空寂雲門入中峰玩竒事幽賞因得相
追從方以靜中趣共忘塵外蹤攀登散情性語
笑諧心胸蕭條林木昏羣物生秋容暝色半潭
雨寒聲雙磻松行吟送落葉歸思聞踈鐘蓮社
有佳約東林期再逢

和林範伯琴與詩韻

涼露滴草木微風散衣冠閑將石上琴遙向山
中彈蒼蒼水雲起瑟瑟楓葉乾初月照秋夕長
松連夜寒寄言賞音者知遇良獨難

秋日同諸公登清冷臺

靈峰起千仞高臺鬱岑寂煙蘿窮攀登林谷恣
探歷憑高一長嘯頓覺萬緣息長江天際來茫
茫去無極黃花點醉衣落葉滿行跡萬籟送天
聲連山起秋色更聽白猿啼東林澹將夕

山水

谷口日耽幽閑雲閉岩扃煙林積空翠坐見羣
山青適意調桐絲洗心期道經以茲對名跡無
乃俱忘形

歷代詩選 卷之二
桃竹百禽圖

原野藹初霽百卉何芳榮
雖雖衆禽鳥得意欣
春晴遷木恣棲息驚枝復飛鳴於焉林谷態自
適天地情刷羽耀朝彩流音雜風笙竹垂琅玕
實桃艷瑤池英吾當披此圖三復羨羣生

賦得二題送嚴克謙之京

西上有仙關岩巖望趨忽二水隔東南連山走
吳越晨過聽曙鐘夕宿投寒月去去何所之趨
朝拜金闕

右分水晨闕

朝從鵝湖遊暮投鵝湖宿古寺入空山疎鐘出
深竹孤舟蕩復行清響斷還續百八猶未終前
溪水如玉

右鵝湖晚鐘

爲井軒題孤雁詩

露下江色秋沙明水容夕孤飛爾何來獨立隨
所適驚絃恨轉深繫字情何極扁舟月下聞愁
絕三湘客

山水題贈自怡徵士

野服每耽幽東山恣吟眺煙潭落虛鏡風礪生

絃調趣愜蒼樹雲心閑碧溪釣猶疑向蘇門落
日共清嘯

松泉清響贈善琴無幻上人

上人了真如孤琴寄遐想開軒對松泉宴坐猶
偃仰有時閑拂拭落葉共清響寒聲入霜指秋
鶩動林莽余嘗愛鳴彈愧乏知音賞一曲殊未
終東林月初上

山水圖

危峰東南來氣勢何磅礴下有幽人居投情在

丘壑山雲簷下宿瀑布空中落境靜神自豁地
偏心亦樂野橋帶行客孤琴引雙鶴
過煙霞有深約

旅次武林期叔剛脩撰不至

寓宇閉幽寂羈懷轉淒其况茲梅雨候值此麥
風時閑登溪上樓悵望吳天涯長風捲潮來倏
忽銀山移潮水尚有信我行豈無期緬懷同心
人惻然起遐思

白塘師隱爲莆陽陳維禎賦

陳生小隱讀書處白塘遠隔青山墅地接滄浪
九曲煙門迎壺翠雙峯雨寂寂幽欄鳥雀閑草
堂晝掩青松關衝朝猿鶴來何事落日漁樵相
與還清溪月出絃高調盤石風來可垂釣山鳥
聲中彭澤吟海鷗影裏蘓門嘯年來爲客意都
迷眼前幾負滄洲期片帆明日武陵去桃花笑
殺歸來遲

廬山秋瀑歌寄王四秀才

君不見五老芙蓉峰絕頂隣霄翠萬重又不見

香爐紫煙石高標照日氣千尺東南勝槩稱絕
竒廬山秀色含碧滋半天飛瀑洒雲漢峽龍作
雨風雷悲仰觀氣勢何盤礴一道長流噴穹壑
素崖盡裂丹壁開白虹乍起銀河落知君素有
江海心對之不覺清煩襟響入百潭秋水去聽
如三峽流泉音子今西行向何處秋瀑長吟聊
寄汝相思得似石上聲倒海隨君流不在

浯溪夕秀

浯溪山水最竒絕幽居隱隱依林樾片雨晴浮

北砌花雙松暝挂西峰月董仙茆屋居其間深
林盡日閉松關有時相訪忽不見採藥雲中猶
未還

青門歌寄居易子

青門橋南二月時青門城北梨花飛忽聞啼鳥
道鄉信應念行人何日歸東風一夜青門道客
舍蕭條但春草遠樹蒼茫感客情遙山寥落傷
懷抱酒幔高樓日未斜參差橋上幾人家釣鱸
潮落見歸雁螺女春深起暮鴉此中回望南天
路撫劍悲歌水東去欲問紅樓醉別時正是青
門憶君處

九日寄琴樂家兄

佳節歲希遇良會人罕同况逢九日一延賞兄
弟不得相追從涼風蕭蕭送飛雨獨閉高齋向
荆樹斷雁聲悲落木秋寒鴉影度殘陽暮去年
此日登高臺隣霄眺望形神開酒酣到憤醉起
舞長江浩蕩天風來念此使人戀攜手骨肉傷
心重回首拂石空調白雪吟開尊慙對黃花酒

始知行樂多睽違眼中不見令心悲秋來更欲
一登眺羸得潺湲淚滿衣

題石田山水障

昔遊東山訪幽獨謝公西亭傍深曲簷楹日落
雲氣涼百丈空潭澹寒綠衡茆列坐若羣仙蒲
衾草榻心悠然長林落葉散巾袖絕澗飛泉清
素絃吟嘯於茲足幽賞野水江雲共來往雁渚
風回釣艇還鷗沙月上寒潮響石田畫史何清
真毫素機妙如有神丹青放宕竟誰似豈必輞

川賢達人

題山水

海國霽煙景長林氣鴻濛遙峯積翠起千丈九
天秀出金芙蓉石泉淙淙洒風雨銀河半落橫
蒼穹恍疑身坐天姥下萬壑五月生寒風對此
發長嘯逸氣凌丹虹閑移輕擢入空碧武陵盡
處緣源窮鷗沙潮落見溪釣鶴林月上聞煙鐘
以茲便欲賦歸去孤琴未許來相從始知幸接
明盛世誰能斂跡對塵蹤

歷代詩選 明陳伯煇 七
三峽流泉題贈九齡文學

蜀江之水何雄哉奔騰疑從天上來飛流直下
幾千丈大壑五月鳴風雷飄然一望失西北巫
峽清秋起寒色聲撼長川白日寒氣蒸大漠青
冥黑我時曾向錦城遊觀濤獨上瞿塘舟劃然
長嘯震林谷短簫鳴咽回中流與君對此嘉興
發便欲因之泛溟渤好挾飛仙汗漫遊孤篷醉
倚西江月

舟次武陵書別龔章二友

馳馬下金陵買棹上湖鄂揚帆十日過臨臯春
風二月登黃鶴黃鶴樓前江水春春光淡蕩堪
娛人同舟有客來相訪執手宛若平生親知君
不學悠悠者寧甘遜跡衡門下落筆詞章接惠
連壯游湖海蹤司馬以茲遇我情最多長吟擊
筑氣偏豪洞庭縱酒看月色夢澤推篷望雪濤
人生所貴在知己結交在結青雲士那能回首
嘆萍蓬况乃立身志弧矢同舟直到武陵城桃
花夾岸春霞明臨流慷慨一爲別雲樹茫茫不

盡情

○夜泊釣龍臺

煙村帶晚景落日駐征撓
夜色海中月秋聲江上潮
魚燈連水岸霜月映楓橋
明發頻回首鄉山別望遙

○落芳峯性上人山房

聽梵來山寺逢僧宿石樓
風泉行處滿花竹坐來幽
別磻鐘聲晚空潭樹影秋
東林微月白相送虎溪頭

寒夜畱宿故人隱處

高齋期夜宿蘿徑獨攜琴
尊酒成幽酌孤燈照短吟
竹泉分小磻霜葉響空林
且盡山中醉誰論物外心

自牧小亭

草閣西風下幽人獨考槃
磻聲和雨聽山色捲簾看
好鳥吟花塢閑雲覆藥欄
孤琴如有約蘿徑候鳴彈

中天樓閣爲思實賦

樓閣東南秀衣冠翰墨流雲來蓬島暝潮落鏡
天秋掃石絃霜軫開窗捲露鈎相逢霄漢上何
必訪丹丘

寄公魯文兄

薄晚有佳興憶君江上山碧雲紅樹遠黃葉白
鷗閑岩瀑當空落漁舟鈎月還清暉多雅趣石
磴擬躋攀

綠筠軒

築室依何許幽棲向竹林一塵渾不到萬玉自

蕭森挂月澄明鏡吟風響素琴知君有高節惟
與爾同心

古靈舊隱

昔賢讀書處今子隱茲山閉戶心恒寂看雲意
自閑衣冠塵世外尊俎石林間向晚樵歌起相
隨落日還

汎舟螺江憶舊遊寄郡齋諸文學

曾向江頭倚玉簫與君同駐木蘭橈白波千里
秋聞雁涼雨孤舟夜聽潮幾處人家連竹塢數

歷代詩選 明陳伯煇
行漁笛過楓橋。今來却憶同遊侶。煙景蒼蒼轉
寂寥。

寄仁美同好

秋深寥落舊交疎。况復思君萬里餘。粵國山河
違故邑。吳門煙月怨離居。數聲落木啼猿後。幾
處踈砧過雁初。知爾西游多勝槩。別來詩興近
如何。

送又玄周先生應辟

把酒河橋獨送行。春風此別若爲情。布衣却起

東山卧京國。爭傳北海名。極浦寒潮迎去棹。清
川斜日滿重城。舊遊白社成寥落。莫厭題詩慰
後生。

重九前七日同郡齋諸文學登隣霄臺

西風吹眺最高臺。雲物蒼蒼入望來。秋興不隨
黃葉盡。晚樽偏對菊花開。岩前落木蟬聲急。天
際澄江雁影回。歸去若迎重九日。還從此地送
陶杯。

小景題贈密齋先生

長尋幽絕避囂喧野服吟秋到鹿門幾處青山
連斷岸數家黃葉帶孤村風潭石瀨清琴響煙
徑苔花翳屐痕却羨漁樵林下趣白雲相對欲
忘言

寒夜有懷宗武

坐向東樓月上時懷君不寐益淒其獨拚斗酒
山中醉深負孤琴雨後期夜久霜風還動竹天
寒雪雀自爭枝也知別後能相憶故遣新詩慰
所思

題上清方壺山水

曾過蓬島訪茅居路入中峰紫翠分琪樹寒生
雙磭雨石門秋卧半潭雲捲簾山色當窗見拂
軫溪聲入坐聞何日暫辭塵服累青松白鶴日
爲羣

東林別意送善琴無幻上人

冶城秋盡此相逢遠別驚心思萬重細雨扁舟
聞梵語空山落葉寄行蹤孤琴夜對松間月一
錫朝經海上峰莫向西江閑洗鉢恐教風雨起

魚龍

賦得螺渚征帆送鄧孟芳徵士

女螺江上唱離歌百尺雲帆挂碧波孤與斷燵
天際沒亂峰殘日鳥邊過榜人洲渚漁謳起墨
客琴樽逸興多桂棹行當霄漢近乘流應擬到
天河

江郎山

聞說江郎有弟兄鐘爲靈石孕元精氣分喬嶽
峰如削壁立中天地欲傾風動松枝甘露降雲

開石井碧蓮生駐車便欲褰衣上飛步峰頭望
帝京

○秋夜宿郡齋書呈諸契厚

淡雲流月下空階此夕相隨宿郡齋踈竹高梧
連夜榻寒泉落木對秋崖孤琴不用彈新曲尊
酒還同寫舊懷良會應須頻潦到誰言萍梗各
天涯

翰林侍講林環崇壁遠示手教書以復之
玉堂遠念舊交踈遙寄南天一寫書自是多情

歷代詩選 卷五 三
憐久別應題飛翰慰閒居
雨中秋草迷山館
天上春雲覆石渠
不有故人頻顧問
茂陵愁絕病相如

○餞別戶部郎中林公致雍翰林典籍黃公約仲

蕭蕭風雨送殘秋
况復淒涼感別愁
粉署仙郎吟判袂
玉堂詩史解行舟
煙村夜火明沙岸
江郭晨鐘起郡樓
不盡離情付流水
隨君直到鳳池頭

遇鄉人

膺月都城雪作花
相逢况復在天涯
雲山自是增離恨
風物那堪近歲華
遠渚斷煙迷曉雁
長林落日集昏鴉
坐來笑問鄉園事
喜道平安似到家

登岳陽樓

危樓高架岳陽城
艤櫂閑登豁遠情
春雨波濤來几席
夜寒星斗掛簷楹
清遊墨客琴樽美
飛步仙人劍珮輕
范相雄文誇絕代
氣爭光嶽尚

歷代詩選

明陳伯州

十四

縱橫

荏平馬上口號簡邵憲使黨僉憲

荏平云是古名封地控高唐勢獨雄百雉城荒
秋雨後幾家門掩夕陽中馬周論議情何切方
朔詠諧賦獨工共是霜臺驄馬客偶因懷古挹
清風

寒夜聽雪簡叅政鄭公

飄飄飛雪響簷楹卧聽書堂欲二更映月未分
窗外影因風先送竹邊聲乍疑霜葉依林下恍

訝寒松繞磴鳴起坐披襟渾不寐冰壺相對有
餘清

永樂甲辰之秋岳陽方豸史佺按轡赤水
偶得一聯云雲生石洞重陰合雨過峰巒
積翠深索余足之因而賦此

曙色濛濛結遠林半空鳥道掛危岑雲生石洞
重陰合雨過峰巒積翠深攬轡觀風詢異俗看
山撫景動新吟揮鞭笑指來時路一道清風洒
素襟

歷代詩選

月東白帝

次集卷五

十五

心

遣懷書寄諸愚儀僚

懶看鏡裏髮如絲，病起庭前覺事非。
滿地綠陰芳草過，一簾紅雨落花飛。
閑來却笑材無補，別久仍嫌信到稀。
政爾望鄉心切處，杜鵑喚道不如歸。

陪嚴都運重游平遠臺同林文則和嚴韻
肩輿同上石林間，又得追陪到竹關。
碧樹清泉岩畔路，白雲黃葉寺前山。
興來吟詠俄成什，老得辭歸半是閑。
雅愛相忘頻潦倒，不妨重藉石

苔斑

發南與橋

江水白於雪，溪沙皓如月。
扁舟浦口來，落日橋南發。

賦得曠如樓送人之京

高樓鄰青雲，虛爽復幽絕。
涼風下書帷，似與離人別。

雪夜訪戴

一夜風雪寒，扁舟獨乘興。
未見同心人，前溪興

應盡

雲寺晨鐘

古寺白雲中
疎鐘逗林樾
凌晨數杵來
敲落山上月

雪毬花

一枝晴雪帶輕寒
正是梁園春未闌
恍怱玉環初夢覺
香魂猶向月中看

湘潭雨色

凝煙積翠淡如流
萬里蒼茫一望秋
坐對湘潭

歸棹晚亂山殘
雨送猿愁

墨梅

每愛橫枝醉裏看
蒲林風雪浩漫漫
數聲殘笛知何處
吹落空江片月寒

柳

空塘流水浸長條
細雨疎煙拂灞橋
羌笛數聲人不見
春風斜繫木蘭橈

牧牛圖

日暮桃林風雨寒
數聲長嘯下空山
草深行逕

無歸路却望清溪沙上還

偶題

散帙看書對碧山浮雲流水與心閑坐來不覺
東林夕月上前溪釣艇還

黃葵花

芳姿曾映羽人冠仙掌擎來玉露寒金粉只今
成寂寞唯餘向日寸心丹

詠白鷗

江上羣鷗亦有情浮沈蕩漾似輕萍曉來推却

蓬窗視鷺落前溪雪滿汀

宿福泉寺書與禧上人

蜀僧出世在空門心跡超然離垢氛欲問安禪
最幽處一潭秋月半山雲

石倉十二代詩選

明次集卷之五 終



歷代詩選

明陳伯煒

卷一

林樸翁傳

林實字中羨長樂縣龍門人唐各賢慎思之裔
初姓吳登永樂辛卯進士拜監察御史立朝直
言不避權要人以鐵面御史稱之時處州因坑
冶事民挾讐訐告連蔓二百餘人嘗奉命按其
獄微服廉訪出無辜者百五十人值 奉天殿
災應詔陳六事口惜民力節財用重爵賞擇賢
才嚴考課甚切時弊遷廣西按察僉事致仕卒
年九十有三著有樸齋集

萬曆甲戌孟夏望日賜進士出身通議大夫刑部右侍郎前都察院左副都御史七十二翁鄭世威撰

石倉十二代詩選

明次集卷之六

樸齋集

大明

長樂吳實著
後學曹學佺閱

環翠樓

勝地畱佳賞樓臺亦壯哉羣峰連海岱真境接
蓬萊捲幔清輝入凭欄爽氣來虛明澄霽景瀟
灑軼浮埃賦爲登臨作懷因眺望開丹岩明向
席空翠落銜杯并幹多陳迹齊雲半綠苔多君
清致在何日共徘徊

養拙齋

大朴本無物淳風軼唐虞居巢與處穴此外將
焉啻世道日淪降人心良亦殊非徒徇雕采巧
僞相縈紆夫子抱真性乃在玄牝初持心遠矯
亢應物隨空虛直道行若拙正言謀恒踈儀秦
笑周孔此道彼爲迂怡然養吾真天命其何如

賦得富春山送人歸闕

君不見富春山富春山色行人看層巒疊嶂帶
江渚垂蘿鳥道青漫漫釣臺百尺凌空險石磴

縈紆紫苔掩芳草洲前翠欲流夕陽渡口晴如
染羊裘釣叟今何在千古行人增感慨不見高
風動客星空餘瀨水流東海今日山前歌送君
明朝山下便離羣片帆直指桐江過薄暮猿聲
那忍聞

賦得瓜步寒潮送董教授之揚州

君不見秦淮瓜步通揚子潮去潮來幾今古薄
暮西風海氣寒潮音半入淮邊樹芳草磯頭望
轉平夕陽渡口帶江城幾回賈客驚殘夢多少

離人恨別情廣文官舍瓜洲渡山水依依最深處
一鐸遙從海上聞片帆直指潮頭去潮頭東
望正迢迢此別心知兩地遙他時無恨相思意
落盡寒江半夜潮

編脩陳果之話別

火雲六月騰赤霄人間大地皆炎歊連峰飛鳥
不容越君行別我如旋飈知君久作家林別堂
上雙親鬢成雪九重詔許暫承權千里馳驅不
知熱我家桑梓舊連陰夙昔交情最獨深十載

同吟泮池水有時共醉東溪林青霄高步君先
着愧我年來尚蕭索離別長懷夜月吟故情不
道秋雲薄君自長才意氣豪桂林先得一枝高
玉堂天上魁黃甲金馬門中賜錦袍伊予蹇劣
知何用也學雲霄逐鷓鴣積水長天恨遠心青
山故國懸空夢玉堂相見卽成歡却念人生會
合難更無兒女分離態但作家林醉裏看

送僧官歸閩

萬古西來教名僧不世傳一官初佩印四果獨

宗禪衲掛峰前雨盃浮海上煙化城歸去好此
會是何年

帶湖別墅

何地最清幽飛軒瞰碧流傾盃魚鳥醉捲幔水
雲浮夜月凌鮫室涼風入雀舟興來濯纓袂天
地等蜉蝣

竹林書舍

別構宜清賞翛翛竹滿林秋風疑鳳舞春雨訝
龍吟翠色全侵席涼聲半在琴懸知君子操共

結歲寒心

虎溪三笑

遠公三笑地陶陸是同流明月清溪晚涼風碧
樹秋高懷軼今古餘韻出林丘自愧牽纓冕寧
全蓮社遊

龍溪書室

聞說藏書屋翛然趣不窮溪光搖几席樹色隱
房櫳洗硯春流黑吹藜夜火紅庭前有芳草生
意得無全

松軒

直幹凌霜古、清輝似草堂、倚欄蒼雪冷、捲幔翠雲涼、向日秋停蓋、和風晚奏簧、期君貞節操、持此到岩廊。

贈考滿椽

簡牘賢勞日、曾聞幹辦聲、九年今奏最、三語早知名、日照金門近、風傳禁漏清、聖朝多雨露、行矣被恩榮。

贈百長還營

飛將百夫前、龍韜久在邊、雕弓胡月滿、寶劍漢星懸、朔雪雙旌度、西風疋馬旋、承平無用武、醉向酒家眠。

宿太湖山寺

一騎白雲深、投鞭入遠林、斷霞將夕照、歸鳥下幽岑、說法窺禪性、焚香靜客心、空門聊一寄、明發又駸駸。

四月初一到和州府家城驛

昨日尚餘春、茲晨夏火新、麥風吟短帽、梅雨濕

輕塵芳草迷洲與垂楊暗渡津途中驚歲月王
事未迴輪

○送道官歸

久辭塵跡幾經年樓閣中天藹瑞煙玉陛到來
朝聖主銅章歸去領羣仙素鸞聲遠雲連佩白
鶴秋橫月在船想到玄關多勝事春風瑤草滿
芝田

送典幕閩中之任

宦遊何處醉離觴疋馬南行去路長越國潮聲

空外暝秦淮樹色雁邊涼行看綠水芙蓉羨坐
識丹山荔子香自古閩中多勝事好憑歌咏贊
琴堂

分得九仙觀送林信

丹丘琳館倚崔嵬靈境清都世外開三島霞光
凌日月九霄雲影接樓臺道人玉骨壺中蛻仙
客瑤笙窈窕上來君去登臨多勝槩秋風偏醉葛
洪盃

○雨中懷陳馬二翰

歷代詩選

月異中

卷六

六

王

二月山城暖正融。桃花開盡杏花紅。朋游零落
春風後。客况淒涼。暮雨中。閩海幾年誰寄雁。淮
山千里獨乘騄。玉堂蓬閣如天上。此日懷人思
不窮。

歌風臺

泗上高臺舊漢封。昔人會上此歌風。咸陽鹿去
雄苗盡。芒碭龍歸。帝業空。斷碣古苔寒雨積。危
基低樹。夕陽紅。客遊到此堪乘興。醉把金尊送
落鴻。

○蕪城

蕪城自古盛繁華。玉輦巡遊煬帝家。舊業消沈
餘郡郭。青山迢遞長桑麻。古隄尚有亡隋柳。後
苑終無廢汴花。行客登臨多縱醉。百年興廢謾
空嗟。

寄池景大校官

旅食京華又一年。懷君何處獨淒然。故人零落
知誰在。獨客睽離祇自憐。殘葉晚風驚遠聽。古
梅寒月對愁眠。舊時鶴嶺閑吟客。長憶風流刻

曲舫

○賦得龍江晚棹送陳廷嘉

龍江南下正茫茫晚棹煙波萬里長一葉漸看
飛極浦片帆遙見逐斜陽鳧鷖起處潮頭人蘭
葢香時水氣涼却羨故人從此別若爲歸興滿
滄浪

○宿英武城遇雨有懷京南知己

解鞍日暮宿山城無那西風送雨聲漏遠不聞
宵柝警館荒惟對夜燈明衾依古簀吟邊冷葉

響虛窗夢不成遙想江南知己別相思多少故
人情

元夕觀燈應制

元夕春回不夜天鰲峰高聳御筵前瓊花滿綴
蓬壺樹玉葢平開太華蓮萬井笙歌來錦綉五
雲樓閣儼神仙小臣何幸蒙恩賜恭祝皇苗億
萬年

送人還鄉

五陵年少似君稀何事還家賦式微野水綠蕪

歷代詩選

明吳中書

八

催解棹斷雲殘雨送行衣



國家圖書館, NATIONAL CENTRAL LIBRARY, TAIWAN, R.O.C.

石倉十二代詩選

明次集卷之七

鏡湖清唱

大明

三山郭 塵著

後學曹學佺閱

登石室山

夙昔志幽尋
閑來即登歷
天清海上秋
木落林間夕
琴樽集萃纓
歌吟坐臺石
醉歸覓前途
暝岩起寒色

臺江宴集分得料字

滄洲趣不常
青雲竟誰料
綠酒不盡歡
黃花向

國家圖書館, NATIONAL CENTRAL LIBRARY, TAIWAN, R.O.C.



人笑逸興凌煙霞忘機狎鷗鳥此意誰與論秋
聲動林表

宴得譙家

君家絕塵俗愛客開華筵飛觴對明月痛飲涼
風前踈篁滴清露夜色寒娟娟此時固不樂別
後應徒然酒酣忽浩蕩長嘯凌青煙

懷鳴秋先生之京

澄江晚悠悠離思杳難極西風鴻雁飛我憶鳴
秋客遠樹帶餘暉前川起寒色卽此待歸舟沙

頭掃苔石

挹翠軒

幽軒多雅趣境靜絕浮埃樹色開簾入山光引
幔來人閑啼鳥近風度落花回消盡塵中想彌
深物外懷

送友人之京

况我悲寥落憐君又北遷春歸萬里外人去五
雲邊塞柳迎征旆江花照別筵離情襍愁思分
袂各悽然

春日登九華觀

樓臺三島外，鐘磬五雲端。
入谷仙源迥，攀蘿鳥道難。
泉聲丹竈冷，花影玉笙寒。
坐覺天風起，神遊極渺漫。

和梅軒來韻

憐君得佳趣，芳樹掩衡門。
對酒花成塢，題詩竹滿軒。
湖光孤棹晚，山影半簾昏。
後夜藤蘿月，相思入夢魂。

過陳氏園亭

高士園林好，岩扉晝不扃。
絕勝陶令巷，猶是子雲亭。
幔卷飛泉白，窗含遠岫青。
何時出塵想，來此共談經。

過黃希剛有作

知君情不淺，攜我興何長。
獨下雲邊榻，同斟月下觴。
秋吟看菊好，夕飲醉梗香。
坐久忘歸去，衣沾湖上霜。

士琛家宴歸賦以贈之

我愛南湖客，清風兩鬢絲。
久聞陶令趣，長與遠

公期醉倚花前石，行吟竹外池。葛巾仍不着，日
日掛東籬。

謁真人宮

夕到真仙境，清齋過竹房。夢迴孤嶂月，寒入一
襟霜。夜色神鰲起，秋聲瑞鶴翔。披衣不重寐，縹
緲識天香。

奉和楚芳兄來韻

天上青雲迥，湖邊白屋貧。不嫌棲此地，何幸接
芳隣。草閣頻邀月，蘿衣豈負春。吾兄讀書處，還

有問竒人

寄義與黃甥

沙頭孤鶴立，吾命一絲牽。伏枕仍春夏，尋方廢
簡編。猗蘭山谷月，老樹渭陽天。伯也如相問，頻
過話昔年。

暉上人獨坐亭

石逕通幽境，岩亭古木深。禪扉生晚翠，羅幌掛
秋陰。止水空中性，孤雲物外心。澹然無一事，殘
月下東林。

晚次樂鄉縣

浮生同逆旅，擾擾幾時休。
雁影三湘夢，猿聲五嶺愁。
異鄉那見月，別路忽驚秋。
明發雲山路，征車豈暫留。

過高蓋定光庵

不過茲庵久，行經自豁然。
江涵空外巖，月映坐來禪。
開鑿非無地，經營別有天。
定光光不滅，長照一峯前。

竹菴

高士何年賦考槃，半庵脩竹帶飛湍。
窗迎嶰谷三春霽，幔捲湘潭五月寒。
鶴立靜依青翡翠，鳳吟曾上碧琅玕。
好期澹月涼雲夕，曲盡瑤琴白雪彈。

秋江別意

撫劍歌殘氣未降，分攜相與倒銀缸。
雲山送目人千里，物候驚心雁一雙。
殘日清吟投劍浦，涼風倚醉過吳江。
到家賸得山陰興，月滿孤篷雪滿窗。

題南臺周老商山水

中峰佳氣碧氤氳清製蘿衣慕隱君一曲鑑湖
堪醉月半空盤谷可棲雲懸崖古木霜前落遠
巖餘霞鳥外分我欲相從賦歸去西山鸞鶴日
爲羣

送汝嘉之春官

官舍飛花拂玉盤官橋垂柳躡雕鞍百壺綠酒
沙頭盡千里青雲馬上看夜月琴樽如故國春
風環珮是長安他時引對金鑾殿會見朝陽刷

羽翰

春三月掃墳之作

青山兩屐草芊芊獨抱坤憂隔九泉古道殘春
餘薤露空林斜日帶楓煙雲來隴樹啼猿外花
落岩扃野鳥前歸去高堂情未極惠連相對益
凄然

別克從先生文館

三載交遊賴故知澹雲涼月共襟期筆樽此夜
能傾倒孤棹明朝又別離逸思不堪聞雁後含

歷代詩選 明嘉靖九年
帝况復聽猿時懸知岸幘狂吟日徙倚南山菊
滿籬

和趙先生述懷

高風雅調憶誰彈獨抱瑤琴祇自嘆黃葉迥隨
秋雨暝青山空掩暮雲寒沅湘日夕蘭堪采彭
澤霜前菊可殮忽憶故人霄漢上題詩多寄別
離難

洞江書室

雨止滄洲落木疎幽人隱處近何如遙峰挹翠

千重暝積水涵光一鏡虛閉戶每懷孫敬宅垂
帷應識董生居相期無限歸來思擬向江臯共
讀書

過黃山善敬家作

林塘十畝足幽棲物色風光總入題花落石床
春不掃雨深蘿逕鳥頻啼閑邀墨客清如玉笑
學山翁醉似泥幾度竹樓幽夢覺羨君池草碧
萋萋

送黃思順之京

歷代詩選

明耶敬侯

次集卷七

七

江

歷代詩選 明季詩
高步金門客青袍軼垢氛獨陳揚子賦老綴陸
機文久忝通家好誰爲落葉分秋前鴻鵠志天
上鳳凰羣攬轡關道彈冠岳水濱論文情款
款離思又紛紛寒雁連秋雨涼蟬隔夕曛暫全
歌白苧休憶醉紅裙握手舟堪泛看山酒未醺
人分螺女月路指劍川雲戀闕寧沾臆披裘見
樹勲好將三語妙應許九重聞別後泥金字江
南每望君

挽鳴秋山人趙景哲

詞藻南州客生來跡類萍無家頻嘆別失路獨
飄零旅席仍三載儒冠誤一經半生嗟舊業千
古掩泉扃梁獄書雖切秦堂怨未醒才華餘姓
字河岳失英靈繞屋山猶碧沿池草自青空驚
魂入夢那共醉忘形新隴徐生薦芳碑柳子銘
臨風情默默涕泗想儀刑

驄馬朝天爲林真侍御賦

神駿千金直亨衢萬里遊昔聞來渥水今見謁
清朝錦控青絲絡銀韉碧玉雕風批雙耳俊雲

傍五花飄驥德稱全美龍媒許並驕張網迎遠
道桓典侯層霄月白金鑿殿天高彩鳳韶懸知
端拜舞三祝獻唐堯

題蒲萄扇

裊裊拂虬髯離離懸馬乳曾傾銀甕香一博涼
州史

桂花鷓鴣鳥

香飄銀漢涼露濕羽毛冷漫笑一身微高棲廣
寒影

畫竹扇面

聲臨潯水清影拂湘潭碧瑤瑟曲未絕商巖坐
來夕

春江送別

雲映粵王山色天涵螺女波光一曲驪歌未已
飛花故落離觴

題牛

鳥下南山已夕人間春草初齊爲問上流何處
白雲遙起前溪

青鋪嶺中作

陟嶺看山趣不稀
歸心迢遞宛如飛
家林想在空濛外
一帶螺江隱翠微

小景

萬疊南山紫翠寒
一江如練鏡中看
女螺磯畔雲飛處
風景令人憶謝端

送筆與林友

雅製瀟湘碧玉枝
毫端文彩宛離離
請君揮洒芸窗下
會見蛟龍繞墨池

元宵後請羅讓畚

春裊花枝酒甕香
懷人幾度結愁腸
冶城此夕笙歌歇
餘興還能過草堂

寄席上諸友

一病那堪兩鬢衰
春風休負我連枝
幾回搔首南窗下
花落花開總不知

贈致仕林相公

九十仙翁兩鬢華
高風虬杖稱烏紗
賜歸贏得孤山月
吟對寒梅萬樹花

歷代詩選 卷之八
挽管推官

仙舟一葉水悠悠
魂返家林是首丘
此去故人誰更在
青山掩泪掛吳鉤

送朱戶侯回

朝來車從訪郊垌
水遶衡門竹更青
一見不題凡鳥去
分攜空過白湖亭

寄李友淵

病起誰知髮已華
却承清翰問貧家
夜深不待君平卜
空剔寒燈一點花

扇面小景

孤琴引興青山墅
山月蒼蒼鳥聲曙
高風一段不可攀
從憶陶潛賦歸去

鏡湖清唱跋

國初吾郡詩人輩
出十子而外復有二十餘家
有傳有不傳
實幸不幸也
郭履字敬夫
湮沒二百餘年
無有知者
予近得抄本詩百十篇
有挽鳴秋趙景哲之作
而羅宗讓覺非
集有和郭敬夫詩語云
不知其人
視其友敬夫實清世之隱

君子也集中有送兄楚芳上春官楚芳名蘭永樂三年鄉薦姓名見于郡志敬夫青鋪嶺絕句云家林想在空濛外一帶螺江隱翠微又有門前湖白與山青分攜空過白湖亭之句其所居當在白湖螺浦之間與鳴秋山人相隣並也予既錄其遺編併爲考其地里付曹君能始授之梓敬夫之名從此弗至湮沒不亦厚幸矣乎

崇禎庚午三山老叟徐燝與公撰

附陳良詩

良字從時長樂陽門山人洪武中以明經薦授吏部主事因災異與同官蕭儀上封事下獄儀死獄中良謫交趾再上封事復官嘗校閱遼東衛兵陳軍衛四弊後因忤執政出判嚴陵舟行有大蛇隨之良謂蛇陰物必有婦人寃比到官果訊得情釋之人以爲神明尤能以禮法齊家族諸分異讓其腴田自取葑瘠有古人之風邑後學鄭世威撰

閉居雜興

竹作屏籬草作廬清幽偏稱退休居力田自有
資身策學圃應多種樹書鴉噪園林梧葉暗重
吟籬落豈花初高情不逐趨炎態一枕清風午
夢餘

其二

水光山色共清妍自樂乾坤靜裏天用竹引泉
通後圃因花開徑閣前川夜長明月從虧缺歲
稔浮雲任變遷甕裏濁醪常不匱杖頭何用阿

菱

其三

茹羨魚鮮氣味新北窗窗下獨安神直釣香餌
聊爲釣曲突禾稈可當薪舌在無官難補過身
閑有子豈憂貧杜門謝客紅塵絕竹外清風來
故人

其四

獨倚欄杆引望長望中生意到林塘斑鳩喚雨
黃梅熟紅鯉吹花錦浪香報玉芳名畱館閣思
親孝悃在羨牆嘆予梁燕多相似去去來來爲

子忙

其五

家在榕溪溪水頭，門前綠樹共清幽。
五更殘月他鄉夢，三迳高風故苑秋。
佐覽不妨淹雋武，杜陵無復嘆離憂。
兒孫足慰余生樂，一覺南柯萬慮休。

其六

范蠡扁舟泛五湖，何如陶令賦閒居。
平時羞覩梅枝瘦，今日忻逢柳眼舒。
坐對簷花紅瘦盡，關

敲棋子黑甜餘。心田一點明如鏡，
蕙稗無侵不用鋤。


其七

門外青松手自栽，時傳清吹枕邊來。
杜陵肌骨因詩瘦，陶令襟懷爲酒開。
官去渾忘身外慮，客來常覆掌中盃。
醉眠不覺天昏曉，一任譙樓鼓角催。

其八

雨過雲收萬象明，一天霽色釀新晴。
柔桑葉盡

吳蚕老躑躅花開蜀魄鳴竹影橫窗看月上松
聲撼谷覺潮生人歸人去年華換惟有溪山不
世情



石倉十二代詩選

明次集卷之八

大明

三山王 阜著

後學曹學佺閱

題鄭公望南湖草堂

東風握手龍溪上三珠樹下頻來往北院紅荆
醉裏看南湖碧草吟邊長羨君洒落才且奇向
來羣從總能詩雁行綵袖迎春早熊膽青燈覺
曙遲松杉影動搖書幌蘭蕙香浮棲鶴帳風霽
月榻陪壯遊海樹江雲引遐望俄頃鵠原嘆別

離薊門渺在天一涯山海有謠春斗粟庭階何
日會連枝凄然姜被遙相憶一字平安萬金直
出塞龍媒凡馬空倚門鶴髮千峰夕獨慙爲客
江南潛舊業荒涼托故知桑梓幾回成遠夢梧
桐三尺負幽期扁舟明日龍門道林下相看情
更好親舍常稱九醞卮神京遊子歸來早

題林榮山水圖

晴山高且閑晴雲淡而白山似高人雲作衣人
似閑雲着山色山色青青常對門溪居渾似武

陵源半潭林影花枝靜十里松聲地籟喧芝蘭
猗猗香滿室麗澤南來有滋益青入湘簾山市
春涼生書案芸香夕故人抱琴千里來自日軒
几無纖埃悠悠遠托知音賞莫使衡門掩綠苔

掬翠樓

東嘉山水妍達士美如玉高閣清且閑羣峯翠
可掬天台雁蕩天際來遠近合踏青蓮開嵐光
排闥臨書案黛影當筵落酒杯亭亭華蓋祥雲
表九點晴煙斗山小遙窺羅幌入窗涼近映硯

屏山嶂曉絃中古操振芳聲鏡裏脩眉巧畫成
煙開蒸背簾前碧雨洗螺鬟掌上青四時清勝
如盤谷滿座高朋霽吟日巾舄同盟物外情房
櫺不受人間俗川原曠野仍逶迤霞月朝昏映
葶衣緬想林翁多雅趣倚欄長詠少陵詩

題李氏江湖雅趣卷

閩南李君清且竒雅趣未許傍人知九洲四海
坐超忽三江五湖開渺瀰孤琴獨鶴閩南路萬
里雙魚傳尺素鳥外殘霜七澤秋唵邊踈雨三

湘暮天低劍閣雲滿身水接瞿塘月近津玉壘
倚空山人楚錦江翻雪樹浮秦十年斗酒新豐
市不作五陵遊子意八千驛路歸夢中百二關
山醉鄉裏天津客舍臨洛城中州原野如掌平
華嵩互應硯屏綠河洛爭涵書幌清漢江鴨綠
變春酒齊魯嵐光青未了白雁聲沈薊北春瓊
花影落淮南曉錢塘江霽暮煙銷曾向吳門看
夜潮天宇月明銀漢轉海門雷動玉山搖香爐
峰前雙瀑布玉龍出峽蒼煙破五老雲霞載酒

歷代詩選 明王公大
來九江雪浪揚帆過驅車暫駐臺江下沙合雨
晴堪洗馬榕邊幾度共吟樽竹裏時同誦風雅
九華山色翠屏開五馬潮頭畫舫回岸崩天風
迎曉展偃旗嵐影蘸春杯平生客寓江湖久雅
趣由來世稀有明朝買棹整絲綸知作滄江釣
鰲手

題山水小景

大山突兀氣勢豪小山羅列如湧濤廻峰逶迤
接林麓白雲不動秋天高何人一棹山陰興三

尺吟筇骨中淨金沙寶樹寒殿開瑤草玉枝秋
閣迢迢嘉遁凌碧岑芳亭瀟洒似山陰呼童
曉掃青苔逕拂石時橫綠綺琴高山流水多佳
趣悠悠永托知音遇千齡鶴髮獨鳴臯半夜啼
鳥思反哺高音古意揚清芬考槃不與人間聞
老天未遂幽棲志願借青山一片雲

題曾廷玉畫竹

曾郎未老清如竹高節翛然出塵俗風流堪繼
王子猷城居宛若山陰曲道人清白掀脩眉巾

寫近托山中遊錦胸吞吐嶰谷月彩毫移得瀟
湘秋長枝瀟洒美如玉密葉氈毯一庭綠拂月
翻疑翡翠巢倚雲應借鴛鴦宿虛心勁直凌雪
霜異態向背仍低昂清風拂地玄鶴舞太陰作
雨蒼龍翔初聞九疑湘水立夜深瑤瑟英皇泣
何似高堂五月寒數竿猶帶春煙濕又聞老逋
守湖州此筠價重珊瑚鈎當時必待蘓仙句星
斗墮地天人愁多君詩畫愛竒絕筆下蛟龍出
溟渤明日蒼江鈎巨鰲長枝好拂扶桑日

題劉先主三顧草廬圖

火星暉輝三光翳當時妖鬼移神器中山華胄
左將軍仗鉞西南伸大義南陽卧龍天下無枉
駕三顧風雲趨草廬傾蓋君臣際魚水同心契
合初大將荆益分三傑赤壁樓船煙燼滅漢中
纘緒帝業成青史煌煌載功烈關張龍虎皆殞
身直似中原仗老臣木牛轉餉關中粟甲馬空
思渭北塵渭兵十萬揚威武典午滑賊虎成鼠
出師二表八陣圖耿耿孤忠照千古

落花嘆

落花嘆花昔開時春滿眼東隣西舍來看花秉
燭夜遊作花伴韶光轉眼瞬息間殘粧憔悴無
人管落花嘆嘆落花花今衰老無容華當時把
翫勝珠玉今日拋棄成泥沙半飛半舞更展轉
欲落未落猶迴斜落花嘆嘆花落花怨東君情
太薄收却園林錦綉機吹惹蓮臺綠羅幙蜂蝶
無情竟不來桃李無言空寂寞

十六夜月

昨夜中秋節長空月更圓庾亮有情重對酒袁
宏何事不圓船碧波倒蘸山河影下上琉璃秋
萬頃吳剛砍桂素娥驚玉兔銀蟾夢初醒玉宇
瓊樓鏡裡開霓裳舞罷重徘徊三郎一去人間
老水點煙中海似盃

早秋寄箬溪故人

海上金風洗殘暑唵邊黃葉飄四五故人教鐸
天一涯迢迢千峰隔秋渚昔年膠漆桑梓間心
比白鷗閑更閑一帆清興波間月千里離情海

歷代詩選 卷八
上山百壺鷄黍春風面幾度蓴鱸憶鄉縣吟邊
晚岫疊雲屏醉裡寒溪澄素練常懷太白對清
樽也識希夷望白雲半簾潭影魚雙躍一枕松
陰鶴不羣自慙流落臨江曲寂寞芸軒隔深竹
遙待仙舟海上還論文共剪西窗燭

題妙峯上人寒翠軒

三山海上開萬木霜中悴化城亘古長如春寶
樹千章鬱寒翠寒翠當軒曙氣新蒲團竹几無
纖塵日迎雪竹影在地風送雨花香襲人玄峰

上人抱高節見性明心坐超忽幾結三生石上
緣十年獨飯山中蕨霹靂岩前舊逕深霜天朗
月掛珠林窗前卧虎依禪寂鉢裡降龍聽梵音
東房兀坐山中靜西竺傍通塵外境九陌春塵
禮磬聲半空海色搖幡影天香蒲室定初回遙
指江南雪放梅鴉浴石池延拄錫鶴歸瀛海影
浮盃野夫曾共西樓宿竹外素煙茶已熟清風
兩翼共談禪願作雙松在深谷

遊烏石山清冷臺

歷代詩選
卷之八
七
半夜金烏池上浴千年巨跡延芳躅俯視崇墉
接遠郊下臨幽谷通天竺霜落樓前一徑開珠
林迢遞遶蒼崖老衲遠迎天上使山童旋掃石
邊苔九重使節青冥上千里四方皆一望螺女
不煩江上流龍臺釣罷人何往東望石鼓西偃
旂雁湖文筆同逶迤法雨忽從松際落慶雲常
傍日邊飛纂修大典心常赤東閣英髦有清適
牙籤錦軸燦珠璣千軍筆陣蛟龍迹老禪與我
最相知攜酒登臨會有期旛旌影裡成三口鐘

磬聲中禮六時劃然長嘯山人去紫閣丹臺隔
煙霧寒翠軒中語別時相思寄在梅花樹

題高彥美山水圖

青山岩堯倚晴宇茅堂恍惚山陰墅花搖林影
半潭春松撼濤聲千嶂雨鶴吟短策獨幽尋寶
樹金沙一逕深山童晝煮溪中雪老衲時聽竹
下琴上方樓閣無塵隔露洗蓮花滿池白鐘聲
五夜出岩扃幡影半空疑海色幾度孤琴伴往
還三竿紅日掃松關猿聲綠樹山中靜鹿卧青

歷代詩選 卷八
苔石上閑達夫華胄愛山水嘉遯丘園亦如此
庭前潭影清道心林下書聲滴人耳呼兒掃榻
迎客來白日軒几無纖埃龐眉皓首花前醉碧
水青山畫裡開野夫亦有山陰興江路長吟葛
巾淨爲愛江山如此圖閑看沙鷗水天永

九馬獵圖

開元神武開太平一箭功成六合清當時將相
皆從獵昔日房星互降精一從射獵渭江上矯
矯飛龍蹴溟漲九天雲引屬車塵九河水立迎

仙仗仙仗崆峒闔苑東翠旒拂拂乘天風動搖
五岳風雲合掃蕩千原鹿兔空將軍妙筆名天
下人馬精神奪神化雲中紫燕氣成虹天上白
龍光照夜漠漠風沙縞素開艷艷仙馭英雄才
青驄玉面乘雲出玄兔飛黃踏月來鉄驪長鳴
呼玳瑁膳脂競出霜蹄碎走徇心馳夕照邊飛
鷹志在層霄外乘興忽到蜀江西南苑淒涼六
轡齊玉花榻上成春夢金粟堆前聞夜嘶野夫
披圖三嘆息千年誰繼將軍筆恍如瑤水宴蟠

歷代詩選 卷八
桃五色雲中見真跡

題漁樵問答

我本漁樵三十載丘壑優游髮毛改東溟巨漲
已投竿南澗松枝更堪采忽見漁樵共畫圖透
迤列嶂闕澄湖松邊柯爛罷觀奕柳外舟行聞
捕魚江陸相逢幽興發劃然長嘯天地濶清晨
礪斧千嶂雲薄暮收綸半潭月莫采谷口之青
松明堂賴爾扶持功莫捕江心之赤鯉禹門變
化來天風負薪入市歸來晚蓴菜羨香菰米飯

五老峰前松月涼新婦磯頭柳風暖忽觀此畫
三嘆息何處林泉可清適四時伐木歸去來一
派滄江楚天碧

百駿圖題楊大叅軸

昔聞天寶沙苑陽牧養千馬皆乘黃霜蹄汗血
欲趨忽龍髻鳳臆思騰驤青驪紫燕高突兀蘭
筋虎紋皆滅沒白魚弄影天上來玄兔生花月
中出渴鳥合踏森隊行雪鬃霧鬣仍低昂祥雲
滿身五花爛長庚墮地雙瞳光將軍當年妙無

歷代詩選 明王公
敵曾向龍池揮霹靂飛出天街十二闌洗空駮
牝三千匹恍疑太宗拳毛騮又訝汾陽獅子花
同經百戰托生死一敵萬馬開風沙丹青流傳
六百載美譽芳聲滿江海乾坤不廢少陵詩秋
月華星吐光彩我公何年得此圖應知意匠絕
代無羣龍恍惚駭人目可與八駿合馳驅太平
海宇無征戰百萬龍媒滿淮甸會見王良駕馭
時春風立仗明光殿

題陳侍講伯父阜陽亭

海上藍田佳麗地山中喬木元龍裔
龐眉皓首無俗情別墅危亭有清致
野服黃冠薄世榮青氍講席獨橫經
東臯迎旭房櫳淨南阜來薰枕簟清
半池花影搖書幌十里松風度微爽
鶴絃拂拭秋雨寒鳩杖逍遙暮天朗
桑梓應傳聚德星芝蘭堪比謝家庭
水迎垂釣拖寒練山引嚙盃落翠屏
丘園獨樂希前哲海岳清芬洒蘭室
簾捲鳴琴洞口泉窗涵金漆壺中月
漁樵相見雙眼青鄉鄰共結泉石盟
岩前白玉呼龍種堦

下青苔借鹿行浮丘筆陣蛟龍走漫士雄詞滿
人口百年心迹老岩扃半夜精光射牛斗俄頃
雙鳧去莫追遠悲鶴怨逸書帷石上看雲成往
事梁間落月引遐思一窗山水悠然在三鳳羽
毛成五彩鵠原荆樹共風煙季也芳名滿江海
詞源三峽如湧濤霄漢祥雲日色高殿前射策
一枝桂堂上稱觴五色桃翰林侍講承恩早華
表聯芳倚晴昊葛巾何日掛三花白首歸來拾
瑤草

送楊大之京

刺桐花開時雨香刺桐葉落秋風涼玉宇九秋
佳麗景金城百雉東南疆千村萬落遠近郭長
川大野合迴薄逶迤列島煙外開縹緲殘霞鳥
邊落黛螺峰嶂滿眼青甲鱗洲渚如掌平江虹
飲海水浩浩怒蛟挾雨秋冥冥神明太守昔鞭
石百堵石梁千萬尺月浸灑潭一鑑秋雲迎雁
塔千燈夕亭亭白蔗滋神漿漠漠黃雲九穗長
山中豹隱食藜藿海上鴻飛足稻梁芙蓉丹桂

遠相映兒童竹馬迎楊震黃堂鶴髮拜文星寶
匣龍泉斬妖蜚獨佐雄藩二十年海不揚波無
瘴煙八郡崇勲世俱仰四知清譽人爭傳明當
考績朝明主大纜高檣倚晴宇逸興遙乘萬里
風離愁散作三山雨天官藻鑑擢英暑平生家
國赤心知五雲闕下承恩日莫忘閩南送別時

題王彥恭山水圖

綠水通彭蠡青山近陸渾天機吳道子意趣李
將軍野寺依禪寂岩扉隔市氛竹搖三徑月柳

拂半岩雲萬頃鯨波淨千峰鳥道分書聲度深
竹簾影捲香芸洗硯魚初躍橫琴鶴不羣何人
訪高隱拂石晝迎薰

石倉十二代詩選

明次集卷之八 終



國家圖書館, NATIONAL CENTRAL LIBRARY, TAIWAN, R.O.C.

歷代詩選

明正公

三

石倉十二代詩選

明次集卷之九

文思集

大明

廬陵彭華著
後學曹學佺閱

柳鶯爲尹嗣昭題

柳絲不動江流緩雙鷺飛來秋日晚平沙漠漠
點寒煙亂石離離立蒼蘚靜隨玉頂聽湍瀨飢
引銀鉤啄清淺霜衣雪襟誰匹儔逸態閒情自
幽遠君不見燕銜泥朝來暮去傍人棲又不見
鶯亂啼間關宛轉無休時豈如此鳥獨凝寂不

與衆禽上下相追隨周公稱大聖振鷺載頌詩
君子歛德容雅與物色宜尹侯家住大江西脩
然自負冰霜姿潔白豈不與之齊爲愛畫師林
良者贈侯此畫真瀟灑堂上試令拂拭看彷彿
清風白露寒

蘆下雁

颯颯秋風起蕭蕭蘆葉疎江禽宿江渚俛仰恒
自如夙性寡所營心閒貌亦舒如何路傍子哈
爾食無魚

早朝

曉來高閣漏聲殘衛士初嚴虎豹關風颭龍旂
迴日色雲移雉扇擁天顏衣冠趨拜金鑾殿劔
珮分聯玉笋班快覩九重春欲徧願將春意到
人間

送劉通判進香畢還任

鼎湖龍去未移時千里名香手自持松栢路瞻
雲五色蓬萊宮覩日重熙感時極欲酬明聖還
郡何曾惜別離獨有竹林風月夜不堪回首重

相思

十日發永州有感

百年役役居塵世此日迢迢走傳車
跬步不離三尺法尋常還帶數編書
也知天際浮雲薄好是山中梁木疎
回首長安將萬里心旌時爲一躊躇

送林太守元美致仕

太守平明獨上書東風解組賦歸與
海邊舊種三珠樹門外新懸五馬車
竹簟藤牀支枕後芒

鞋布襪杖藜初北辰回首高無極
閒看浮雲自卷舒

三月朔登絕頂

躡衣飛步上山巔回首人間一惘然
千里渺茫雲似水諸峰羅列樹連天
風鳴石澗飛寒雨火伏丹爐裊篆煙
何日歸休無一事閒身不惜訪羣仙

和答彥恭弟

自笑爲人癖更癡不才真恐負明時
朝回高枕

從吾懶夢覺看雲正爾思春雨半酣桃浪濶秋
風莫遣雁書遲早來共聽簫韶奏不獨虞廷有
一夔

送李進士元

上苑看花意未闌欣承恩詔賜歸還離筵巧對
宮鶯醉遠棹斜迎乳燕閒捧日心懸霄漢上瞻
雲興入翠微間到家應是無多暇又整朝衣謁
聖顏

附王僎

字廷貴武進人所著有思軒稿

郊居寄張山人

相去無十里別來餘兩旬卜居猶恨遠會晤莫
辭頻紅葉經霜老黃花帶雨新東籬當此日應
有白衣人

孟時寓臨安病中見寄

悵望江南道憑誰一問安養疴猶假館馳思每
凭欄梅雨孤山暝松風六月寒無端更憂國耿
耿寸心丹

東昌夜發

歷代詩選

明

彭文思

次集卷九

四

山

舟乘秋水發帆飽晚風飛
听近流螢度林深宿鳥歸
農耕閒沃壤人語出柴扉
北地驚寒早先時已授衣

宿沛縣泗亭驛

維舟當泗水涼雨洗炎蒸
砧杵孤城月漁舟別浦燈
客愁閒可遣鄉夢遠難憑
千古龍飛地令人感廢興

舊隱

舊隱橫山下林塘數畝寬
地卑車馬寂江近水

雲寒勲業羞銅鏡心期負釣竿
欲歸歸未得歌罷不成歡

江學士東之僑居草亭

何處堪吟眺迥然江上亭
水連天去碧山冒雨來青
好鳥鳴相和門花落自馨
更闌宵燭起點點亂疎星

遊泰山

一峰高聳隘乾坤宇內名山此
獨尊曙色凌晨開日觀嵐光
經歲鎖天門遠疑雲霧人難
到近

歷代詩選 卷之三 五
若星辰手可捫七十二君封禪處空餘遺址蝕
苔痕

宿靈巖寺

一逕深通萬壑間翠微深處著禪關人從上界
空中語雲自前峰闕處還古殿有基松葉暗斷
碑無字蘚痕斑偶因王事勞行役也得浮生半
日閒

送同年繆尚質行人歸吳

憶從聯旆上京華已羨承恩兩過家祖席杯深
浮竹葉故園春早見梅花馬頭驛路衝飛雪鳥
影江天送落霞直欲因君寄鄉信來年我亦泛
仙槎

雪中寫懷

小齋連日故人稀雪滿江城積尚飛花撲半窗
銀作片光搖四座玉成圍怯寒似覺春猶早獻
瑞何憂歲荐飢不似豪家多燕樂也須斟酒奉
慈闈

暇日過天寧東院

歷代詩選

明正文輯

次集卷九

六

碁局詩囊在處携投閒幾度過招提涼分半榻
竹風細香散一簾花雨迷白石菴中曾讀易碧
紗籠外更畱題日斜又別高僧去笑指前溪作
虎溪

除夕有感

去年除夕客金臺今夕江南予告回兩歲臘從
愁裏過五更春入夢中來聲沈鼓角將殘漏淚
滴屠蘇最後杯祇有梅花依舊好曷寒先放一
枝開

秋來久與立之不會辱詩見寄

客途連日阻相從信是高踪未易逢深院碁聲
常寂寂曲階花影自重重才因分定生來拙身
爲官閒老去慵擬向良宵賒月色清樽白下共
移船

東臯草堂二首

明時何處著遺賢路入東臯地自偏十畝山田
和玉種數椽茅屋帶雲編畫中詩類王摩詰物
外仙同葛稚川西祀東封知未了佳音端合爲

誰傳

草堂不借浣花溪
祇在荆溪溪水濱
地僻境將心共遠
山深雲與意俱遲
采芝縱有飢堪療
對竹應無俗可醫
我亦平生愜真賞
歸來已辦買山資

晚泊楊村

蔡村纔過又楊村
近海河流似馬犇
百里桑麻迷綠野
幾家燈火伴黃昏
水因東折成丁字
人自南來類鳥言
明月滿篷清不寐
憂然孤鶴奮

高騫

過高郵湖

片帆輕颺晚風前
秋水微茫遠接天
十里敗荷初過雨
一堤衰柳尚含煙
沽來濁酒能盈缶
買得鮮鱗喜就船
醉後卻思秦國士
還從漁父說當年

錫山施醫官彥清以詩見貺秦答

蓬萊未綴侍臣班
浮世功名出處間
老去俗塵終不染
閒來幽事頗相關
九重金闕身曾到
百

丈丹崖手亦攀別後可勝鄉國望白雲紅樹繞
龍山

送載文宏

名勝東南數會稽宦途應不憚驅馳地當山水
俱佳處人到功名始遂時公事簡宜頻對酒客
懷閒更好哦詩親交誼重君恩渥北望懸知有
所思

雨中戲柬沈禹玉

故人名重沈休文爲問秋來瘦幾分山色捲簾

猶可見雨聲欹枕不堪聞枯槁三百坐成隱美
酒十千愁易醺客裏相逢須盡興莫教他日謾
停雲

童太卿同年歸田

驅馬高車炫錦衣鄉人爭逐長卿歸壯遊自慶
平生遂勇退誰云此計非白首論文偏耐晚清
樽嗣會莫教稀城南山色如圖畫何日相携上
翠微

同考官黃教諭廷經還汜水

歷代詩選
卷九
雨餘秋色滿皇畿
荇棘重圍掩夕扉
爲問捲簾燒燭處
點頭曾復見朱衣



國家圖書館, NATIONAL CENTRAL LIBRARY, TAIWAN, R.O.C.



岳蒙泉詩序

嗚呼此我外舅蒙泉先生岳公遺稿也公在國
子時已名能古文歌詩然槁成輒棄去及第爲
翰林著作甚富入內閣預機務攻曹石罪逆得
裒幾死戍甘之行第宅爲勢家所奪書冊蕩逸
棄不復顧比 召歸坐席不得煖及出守興化
以去及致政家居簡閱舊槁存什一而已公旣
屬纊東陽以治命拾遺文得于 子坪竊懼
闕畧不敢就次乃與公門人潘君辰李公經稍

加蒐訪或撻殘草手自謄識越十有餘年始克成編爲十卷屬公同年都御史張公瓚刻于淮安朱竟而張公卒乃屬我同年知府陳君道刻于金華名曰類傳者存公舊也夫文章事業大抵與世運升降而亦存乎其人顧二者雖相爲用亦各以其盛者稱而莫之或兼固人之難亦造物者之所靳也公少以經濟自許天下亦以此望之在翰林雖以文顯而非其志及得政行志奮不顧私再黜于外亦無暇乎所謂文者旣

老且倦則歛其所欲爲者以歸于文菀而又不幸死矣故功烈震一時氣節蓋天下而文章制作有遺力焉况于放失闕畧之餘哉然執是以白于世固奇偉壯麗炳朗震耀斷斷乎不可沒也可謂難矣且古之文章亦必其人有道德行義始足以爲世重今之世有如公者雖片紙隻字人固當寶而傳之况其所存焯焯如此哉然則公文之闕固造物所靳亦後生者之責也公于書無所不讀葉文莊墓銘載經解數卷已逸

去著皇極新說未及就惟深衣纂誤一卷藏于家以俟續有得者并刻焉成化丙午夏六月甲戌朔翰林侍講學士門生長沙李東陽謹書

按西涯有為公補傳一篇西涯與潘侍御辰李尚寶經皆公之婿也公有子四人俱夭有女六人皆親自擇婿公潮縣人文正長沙人因在公門下以女妻之云

岳蒙泉序

石倉十二代詩選

明次集卷之十

類傳稿

大明

潮縣岳正著
後學曹學佺閱

遊栢林寺

曉從招提遊同袍勝雲集中有緇衣流恐是遁
 遠匹儒釋偶相忘賓主情更密飯我蒲香饌坐
 我沈檀室相携歷觀覽繼目了無極載登大雄
 殿俯瞰衆僧窟光輝互吞吐金碧委狼籍一區
 足衆巧富麗難具述撫此百感生徘徊以終日

歷代詩選 明古季方
秋潦有感

積潦未經日誰教水蟲遊薄暮積潦涇水蟲隨
已休乃知造物者不獨于蜉蝣蟠桃三千年靈
椿五百秋風霜既歷歷歲月亦悠悠自是由乘
除舉世驚短脩遂令得失徒浪喜悲浪愁達人
觀大觀委心任去留

感懷

黃金沽白酒買醉不買醒青春浪成老綠髮餘
幾莖歷觀古今人誰許完好名相思復相念晨

轉難爲情中夜耿無寐起坐待天明

春日雜興和陳宣之韻

嗟嗟荆山玉璞中美不揚何殊瓦與礫弃置官
道傍一朝秦相國琢成龍鳳章沐浴獻天子千
載仰餘光

其二

姣姣閨中女玉質世無竝却嫌脂粉惡反爲顏
色病况有蘭蕙心平生抱貞靜擇對嫁已晚卿
家何日聘

其三

煮革能成膠剝樹乃成漆以膠投漆中不見有
痕迹古人不可作古道不可述忍爲纖纖徒熟
路生荆棘

四皓圖

漢高騎馬鞭羣雄駕馭不到商山中
山中潛龍惜鱗甲肯與走狗同
牢籠野雞宮中顏色老恩愛何人爲最好
戚姬未薨惠統危鶴書急走商
山道山中潛龍始一來楚歌楚舞雙
徘徊撫圖

令人長歎息歎息留侯真有才

題冬日聚禽圖

陰風吹天天欲裂混沌怕死方愁絕
潛將元氣閉重淵化工倔強時偷泄
附炎物態本尋常何怪衆禽爭向陽
紅毛翠鬣莫指數醉眼僅識雙鴛鴦
聲不聞鸛鶴語羽搖空見鵲鴿忙
白頭翠羽營栖息黃口飛飛恣頡頏
高岡梧桐結實未待爾招吾丹鳳凰

欽州命下太夫人宜有萬里之憂正以不

孝跪謝太夫人慨然自慰且有義命之誠
拜違之旦又戒家人以勿泣爲送直沽舟
中韻以記之

臨別慈親意分明義割恩是非如可辯得喪豈
須論在汝須安命諸孫足應門古來軻母訓何
必勝斯言

小屋

小屋剛容我閒居怕見人蹉跎過半世疎散又
三春性懶將成癖心安不覺貧廣堂雖可愛難

得保天真

閒雲

閒雲不作雨天際恣悠揚變化隨風勢浮華借
日光最宜真逸玩不慰老農望薄暮渾忘散依
依綴月傍

小西湖

性僻耽山水莆陽不負吾林巒清欲滴城郭隱
如無天險關形勝坤靈效畫圖亭臺粗點綴卽
是小西湖

桃源圖

小槩輕搖帆半斜
仙山似有浮雲遮
前溪後溪響流水
千樹萬樹開桃花
圖畫已成晉故事
風俗還是秦人家
退之元亮不可問
小立空庭謾自嗟

燕臺懷古

督亢陂荒蔓草生
廣陽宮廢故垣平
秋風易水人何在
午夜蘆溝月自明
召伯封疆經幾換
荆卿事業尚虛名
黃金不置高臺上
似怪年來士

優輕

夜雨呈同志

雨中燈火夜堂深
無限閒愁損客心
獻玉不逢經兩刖
屠龍學得破千金
生逢鄧禹應相笑
老學南陽祇謾吟
滿目風塵雙短髮
爲誰蕭索不勝簪

聞劉東周黃門歸自海外乞私印石

玉節凌風度尾閭
洪濤幾犯雪山如
島夷路隔羞魚饋
國主郊迎服象輿
歸橐避嫌無薏苡
遐

歷代詩選 明倫彙編 五
荒謫俗有圖書滄洲文石堪鐫印乞取龍驤壓
載餘

送齊經歷還嘉興

吳越風煙携李偏逶迤綠水泛紅蓮言能長揖
諸侯慕君更能兼闔府賢北闕朝紳歸未得南
洲賓榻故長懸使君喜是吾鄉彥薦槁行看到
日邊

賀楊宗器侍講

仙籍由來不易攀蓬萊高拱五雲間一朝拜舞
承綸紱十載清華任往還夜直篝燈書日歷早
朝簪筆侍天顏莫嫌寂寞羈英俊祗是顏郎鬢
未斑

方氏貞節詩 太孺人某氏贈兵科給事

中方君稜之配四川叅議輔之母年十
八歸方氏一閱歲給事死于溺叅議其
遺腹孤也孺人不辱其夫又能成其子
故爲詩以咏之

結髮初成燕爾婚已將心事許深恩筮篋竟作

憑河別精衛長銜渡海冤孟母教還成令子越
孤存不藉公孫高風千古清人骨貞節無慙號
德門

天順元年七月十一日左遷欽州同知十

四日出城親交無敢送者欽天監漏刻
博士馬敬瞻遺詩一首宿張家灣舟中
用韻

被罪承恩嶺外遊思鄉何處仲宣樓風霜萬里
蠻荒夜煙雨三江澤國秋不信功名成夢覺早

將身世等雲浮令人却羨桐江叟長擁羊裘把
釣鉤

八月五日獄中作

只合栖遲隴畝間情同毛義偶爲官謀身自信
機心拙報國寧辭行路難尚想珮環趨北闕可
堪縲紲南冠坐來簡點平生事談笑今朝死
去安

遊盤谷有感

早聞盤谷序昌黎今日追遊信馬蹄河出孟門

知地險山連王屋覺天低時當春暮花爭發路
入林深鳥亂啼高處不堪頻眺望邊城猶未息
征鼙

遊崆峒山

古殿金容鎖闥寥斷碑多是記前朝桃源已覺
茫無路蓬髮誰能老不凋玄鶴幾年巢石竇翠
華何日度仙橋鼎湖龍去仙蹤遠畱與山僧避
俗囂

重遊王母宮

綠鬢朱顏一樣妝侍兒誰是段安香仙家謾詫
長春在祠宇重來比舊荒武帝豈知桃核異穆
王空辨馬蹄忙煙霞不改回山色依舊蒼茫下
夕陽

送定西蔣侯出鎮甘肅

重鎮雄藩最上游三邊西去是甘州封疆出塞
猶千里人物中興第一流公暇合毫吟蟋蟀日
長麾羽練貔貅涇陽部曲今猶在應說風流似
祖侯

蒲陽迎春

萬里飄風一逐臣 帝教重起牧吾民非才媿
竊天邊寵病體難勝海上春簫鼓暫同田舍樂
庖厨不減布衣貧故園松菊應無恙總辦芳心
待主人

南山登高和周太守韻

羅衣不怯曉寒侵山寺追陪五馬臨總是龍山
遺俗會須知雞黍故人心歸田莫待桑榆晚爲
客應慚歲月深寄語西風休落帽孟嘉頭已不

勝簪

送周廷粲起復知饒州

憶昔同探杏苑春相逢半是惜春人我歸仍守
漁磯舊君去重分虎竹新贈別辭荒慚芍藥頌
功心切讚麒麟番陽便是登仙路莫向湖頭再
問津

送李行素封君携其子東陽編修茶陵訪

祖

帝許南還著錦衣故山喬木坐增輝途從白馬

湖邊過身與蒼龍關暫違幾處聚觀元獻雋千
年爭訝令威歸秋風肯念并州舊莫謂衡陽少
雁飛

九日

雨中籬菊破輕黃風外金橙試遠香欲上龍山
高處望不勝秋色逼重陽

送俞士栗歸南都

勝遊眼界隘寰區如意聲高缺唾壺聞道上林
花最好又隨春色到皇都

扁舟東去背西風數幅輕帆一望中飛盡蘆花
霜欲下帶將秋色過江東
靈槎明日渡江南天上風情想盡諳記得霓裳
三兩調等閒休便向人談
碧波晴映舞衣與家住秦淮占一灣莫道紫芝
隨處有鍾山元不是商山

花鳥圖

侍宴歸來簇絳雲夜深冷露透猩裘阿環喚醒
紗厨夢閒拂菱花照宿醺